





金石萃編卷六十一

賜進士出身 誥授光祿大夫刑部右侍郎加七級王昶撰

唐二十一

美原神泉詩碑



碑高五尺八寸廣二尺六寸五分十七行行二十五字篆書額題美原神泉詩序六字隸書在富平縣

五言五句曰 呼神泉序 美原縣誌口

口 皇 序 烜

美原縣東 加 總 祀 亦 尚 雖 齋 樹 石 森 澗
出 戰 而 武 調 隲 清 給 止 費 韋 子 蓋 尚 脩
薄 頌 滋 農 寧 考 命 承 亦 原 王 召 呈 構 乎

金石錄卷之二十一

陽原水出南陽張氏釋事名辨氣嚙飛
而歎曰墮荷上變雖廟胎此上坊何榆
武廟鼎調變齋檢斯定坊所召物劬其
奇事圓其幣嗟虞鴻不德躬立王楹徽
引瓊飛騰肩羈和流倘所也徒觀其巧
驚其味羨起自宰叨昔藝時鼎亦拱元
憂體祥應禱非醴亦齋而然何也祈維
口降福於嚮而幽維上壽此也潤邦如
根四崖苛掃乎地可瀨百詠乃東由西
愈七八十尺下積鼎亦口煥瓊滋草濕

其匠率淵出界雖雲濤昭回亦濤濤
蟠躬尺詔上善形物尚修而和豈甄
寔中靈濟福禍懷清仰候地錄尋幽
南嶽顯氣而鑿襟情疏靡流而屏响
定歸淡回靈賤詩云
閩有瀟瀟地

場啻并四養帑廓謝異適籛會不延
澗鬻苛鑿中泉華禱鏡寔形隨鼎
粉逐根空起滌流釜井口跂石涼
近高梓肉適於當澀濤
生瀉原宮淵

詞乃難高節如異尋

幽賞調險澗
深淵曠鏡鏡
鑿鑿象物隨
瀑
魄泉氣絪非
烟正祖荷繁
新溜游緜疏
舊壤圓功花
□□
筋奇靈既陞
其灑□
□清韶然□□
嬰

碑陰

共十五行行二十五字額題
大唐裕明子書六字並篆書

亦萬箇明子書

五言句韋子序福泉詩

書

雲陽坐薄

明臺子徐彦伯序卷

養原卞澗子禮泉生馬嶺明子明臺子

雪故刀韋烜田輝止鳥戲水瀟虛融
流徑得信誥止止擬福田止隴女猶
子乃盟焉明藎子乃滿焉相視而笑
爲哉豈亦乎旆感而循加或筋躬躬
子蓋作章止誰也咎贊雅興諒口啣而
而酬云
梧坂踰抱雙岷西落豔米豈如中輔号
詳泉熱焉醴氣融靈化止灑洽泮務啟
夕瀾加玲瓏霄濶幾清泚濶濶止善用
的的煩慮澆君子懷淡交相誦濶止直

猶曰予河間尹元欽字

聞君泉韻幽雅寒巖陽趾多其性情抑
謠輕忒陵滌飲窗圃夕勅泊澗涼風起
扁來想躡難日太齋瀟瀟散坐端滿腹
揚清北澗巨騁歸鼎石序淡氣適真理
左司器中濕筆命向敬祖

昔日嗚絲地今聞生澗滋靈潛蔽政餘
澗發岍文始瀟瀟流珠散滌滌即夕止
善和懷筭入淡空坊君子鏡澗霧織翳
不清瀟瀟煥瀾虛委視騰臺何由弄風扇

不南員也
豐
寧
字
王
護

平
精
四
季
龍
集
戊
子
四
月
戊

釋文

五言夏日游神泉序

美原縣尉韋元旦字烜

尹元凱書

美原縣東北隅神泉者雖無樹石森深之致而有禳險
清冷之異韋子蓋嘗倦簿領洗塵冥爰命丞太原王公
主簿平陽賈公尉南陽張公釋事以遊焉喟然而歎曰
陵谷之變雖窮造化之功何檢有窮則適變無檢則忘

功所以物効其竒事冥其契嗟嗚恨不得列之玉檻湫
以瓊漿勝負無私流俗所忿徒觀其邛潔其味美起自
文明首穠時則垂拱元夏隕祥應運非醴泉歟不然何
明祈雜口降福勝鑿而幽通之若此也澗荆如規四望
若掃平地可深百許尺東西延袤七八十尺下積泉
口渟鏡澈莫測其底南流出界雖雲漢昭回而滲漉無
端則所謂上善利物谷神不死豈虬龍窟宅靈僊福祐
懷清佇俊抱逸尋幽者乎躋顯氣而整襟情䟽元流而
屏喧濁忘歸淡定盡賦詩云

聞有濠梁地駕言并四美契冥邀異適勝會不延晷澗

響若琴中泉華凝鏡裏形隨員月正制逐規虹起澡流
瑩丹口跂石涼玉趾近焉將安適行當潤濛汜

主簿賈言淑

詞人擁高節狎異尋幽賞豁險洞深

澗瞰鏡疑無象形隨澡魄員氣逐非烟上徙谷縈新溜
分谿䟽舊壤冥功兆口口効竒靈既往其漱口口清超
然口口想

碑陰

大唐裕明子書

五言同韋子旂神泉詩

并序

雲陽主簿明臺子徐彥伯

字光

美原北澗有神泉生焉裕明子明臺子尋故人韋烜因
旂之烏戲泉潭虛融派流徑復信造化之極神明之儻
也裕明子乃盥焉明臺子乃漱焉相視而笑曰异哉豈
大平殊感而循化有助耶則韋子蓋文章之雄也管持
雅興諒口言而不酬云

桐坂疏抱巒峴邛落縣米豈如中輔邑迸泉毓爲醴氣
融靈兆作潤洽冲務啟月潭信玲瓏霞涵幾清泚浩浩
上善用的的煩慮洗君子懷淡交相從澗之底

裕明子河間尹元凱字毓

聞君泉壑幽俯裂頻陽趾及我性情狎遙輕武陵涖飲

窈明月制泪，淅涼風起。朋來想辟，離日去疑濛。汜列坐
殊滿腹，揚情非洗耳。髣髴參石旂，淡焉適真理。

左司郎中温翁念字敬祖

昔日鳴絃地，今聞生澗水。靈潛敝政餘，潤發彫文始。滴
滴流珠散，淅淅明月止。善利懷若人，淡交挹君子。鏡澈
無纖翳，天清滌煩滓。虛忝神僊臺，何由弄風磬。

天官員外郎李鵬字至遠

垂拱四年龍集，戊子四月戊口。

碑兩面，其一面爲雲陽主簿明臺子徐彥伯字光序。
裕明子河東尹元凱字馘，左司郎中温翁念字敬祖。

天官員外郎李鵬字至遠各詩一首五言十二句其
一面爲美原縣尉口口旦字烜序內三人皆以一字

爲字

金石文
字記

右詩刻面陰皆有文垂拱四年戊子四月造趙德父
以四年作元年者非韋元旦史稱其兩爲縣尉一爲
東阿一爲感義而不及美原尹元凱史稱爲瀛州樂
壽人而碑云河間地理志云深州有樂壽縣本隸瀛
州大歷中來屬則其時樂壽猶屬瀛州也又河間亦
屬瀛州元旦等史或不著其字並詳此碑

關中金
石記

右美原神泉詩韋元旦製序賈言淑及無名氏詩各

一篇刻於碑之正面徐彥伯序尹元凱溫翁念李鵬
詩各一篇刻於碑之背面元旦元凱史皆有傳而失
載其字彥伯史稱名洪以字顯據碑乃名彥伯而字
光也李至遠史稱初名鵬以大父素立奉使因名至
遠按素立卒于高宗朝此碑立于武后初尚仍初名
而以至遠爲字則非初名鵬而後改至遠矣蓋後來
以字行其字或出於素立所命史家傳聞失其實爾
溫翁念彥博之孫官至太僕少卿見宰相世系表其
字敬祖表亦未載

潛研堂金
石文跋尾

美原神象詩碑字體頗學石鼓文但乏挺健之氣其

用字多本說文然亦有乖違六書者如巢作巢蓋作
蓋盍作盍嘗作嘗僊作僊壘作壘惑作惑主作主睦
作睦糧作糧瓊作瓊觀作觀底作底噤作噤鶩作鶩
埤作埤異作異鼻作鼻鬻作鬻齶作齶齶作齶疑作疑太作
由善作善鹹作鹹熇作熇齶作齶齶作齶言作言凶作凶
作凶虹作虹又如埽字从手稔字从禁悉與偏旁不
合潔峴迸遙四字皆許氏所不收徐鉉新附有之誤
也潔當作絜玉篇水部無潔字冰部有絜注云俗絜
字廣韻潔清也經典通用絜峴當作昆禹貢織皮崑
崑史記夏本紀作昆命爾雅釋山三成爲崑崑崑周禮

司儀注引作昆侖知古本二字皆無山旁徐鉉亦云
漢書揚雄文通用昆侖並當作屏論語屏四惡王制
屏之遠方並作屏惟大學作迸之四夷疑亦後人所
改也遙當作踰踰遙聲相近漢書陳湯傳橫厲烏孫
踰集都賴如淳注踰遠也師古云踰讀曰遙投壺毋
踰言鄭注踰言遠談語也此碑皆沿用俗體又說文
手部攄引取也或从包作抱步侯切衣部袞袞也薄
保切水部洒滌也古文爲灑埽字先禮切洗灑足也
蘇典切音義各別碑以抱爲袞袞以洗爲洒滌亦未

深檢

錢侗跋

按美原縣始於咸亨二年改土門縣置屬宜州長安志注故龍圖閣直學士趙公師民以爲王翦請美田翦頓陽人蓋取美田以名也太平寰宇記美原縣有美陽鼎漢書宣帝時美陽縣民得鼎獻之云云似乎美原因美陽鼎而改然漢書地理志美陽屬右扶風美原屬左馮翊道里懸隔寰宇記以美陽鼎系之美原縣其故未明則美原之得名當仍從趙說矣美原之有神泉諸志乘皆無攷稽之陝西通志富平縣有金粟山一名紫金山一名菩薩山一名靈泉山在美原縣北十五里山有龍泉

每歲清明人多取其水以祈年故謂之靈泉
原縣今併屬富平所謂在美原縣北者乃長安志
中語此碑序稱美原縣東北隅神泉又稱美原北
澗有神泉則不離美原之北而金粟山有靈泉之
名似卽指此神泉然不敢定以爲卽是也碑兩面
刻序與詩作詩者韋元旦賈言淑尹元凱溫翁念
李鵬唐音統籤惟韋元旦有其人不載神泉詩餘
四人并姓名亡之則此碑之不傳于世久矣徐彥
伯號明臺子尹元凱號裕明子史皆不書且以號
著于石刻亦竊見此碑新唐書徐彥伯傳稱其善

屬辭與韋暹之善判李巨之工書時稱河東三絕

李晦碑

碑連額高九尺七寸廣四尺七寸三十二行行四十五字隸書額題大唐故秋官尚書河間公之碑十二

字篆書

公諱晦字□□隴西成紀人也

□□□□□□

□□□□□□□□祖□□□王安父河間元王孝

恭豐功□烈國史□□□□□□□□妙氣□□□

□淑靈□□彰於□□□□□□□□貞□精粹之性

清明潔白之美□□□□□□□□□□□□□□

邈□□崇□□□□□□□□機士之百行因不該矣

貞觀末授通事舍人轉尚太常卿□□□□□□左衛
率□府事□□□□河朔邊要之□□選爲難以本官
檢校幽營二州都督崔林作牧朝廷□□□□□□
□功□□□□之□兼之者□也累遷□□衛將軍
右金吾將軍加忠武將軍檢校雍州長史望□而清風
流□□而□□洽咸亨之始關中阻飢盜賊公行所在
□□公鎮之以清靜緩之以惠和政得烹鮮時無吠犬
治□□拱家乏□鱗□□□□雨之沾草木加雲麾
將軍右金吾將軍尋檢校洛州長史兼知東都留守三
州都□□□□爲政以德惠下以□豪右□氣百僚

衽服 車駕口巡口賜繒帛口袞美之

高宗嘗

從容曰卿父元王克清江漢 朕今於卿口同魚水一

日不見滿座無歡其 君臣相得也如此及 高

宗晏駕水漿不入口者數日號咷擗踊志不口口口

之初優以 詔命授戶部尚書公喟然歎曰出身事

主在三如一生當効命死當結草乃輟泣而起 詔口

口口口口公口於朝口理冤屈平以理物簡口御繁

意刑清於是乎在屬楊楚橫逆淮海稱兵渚宮地實

流口口口口乃持節鎮荊州兼檢校長史口鄖衛要

控帶口口口口張而不暖口是以息豺狼蛇腹不入枝江之

境黼黻冕旒□致南陽之□加金紫光祿大夫 詔賜

衣服表能官也以公器光廊廟道暎搢紳可以彌綸政

本叅贊皇極遂徵□拜左武威衛大將軍□時□姓烏

驚□□獸聚擁旌推轂公實當之詔授燕然道行軍大

總管兼安北道安撫大使東自碣石西極流沙□道隍

□□□節□□旗拂霓霜戈彗雲蕭條萬里野無遺□

詔都督恒州兼燕水軍經略大使□鄣塞以□□□

□倉庫以□虜□□□絕烽候之虞河右沐仁明之化

居無何追赴□都檢校右金吾大將軍尋拜秋官尚書

□□沉毅清素周密署龍泉而特達委珠璣而不拜故

以斟酌元氣平運□□方當□融 皇風彌諧景化論

道於上□扈蹕□中□□散黃金以長揖追赤松而

高蹈而天不憖遺梁摧奄及永昌元年二月廿七日薨

於位春秋六十有三 聖情憫悼□寮掩涕罷朝撤樂

有加恒數自□疾弥留迄于大斂賜藥及衣中使相望

於道賻物四百段□粟四百石葬事官給□官五品一

人監護葬事贈幽州都督惟公幼而岐嶷長而惇敏探

蹟索隱□微究奧□策名委質□□爲□□吐剛茹柔

常情之所易撓尚人矜已執政之所難□公□坦勞謙

少私寡慾當代之所難者□於公而易□□□六入□

□七臨□□既稱獨□復号神君盛德被於□□功名
垂於竹帛者也夫人隴西郡夫人□鄧氏河南□□
□□□□公之孫衛尉卿駙馬都尉之女也□賢明□
□□敷令慙於家邦幽閑婉順□□□□□□□□
□□□□□□□□□□□□□□國風之窈窕嗣大雅之
徽音□□光輔兩朝□靈弥劄夫人□□中饋□□□
□□□□□□□□□□□□□□斯□□□
所冀□母儀之□□□上慙□遠□享年不永□□□
□□□□□□□□□□□□□□□□十一月
十一日合葬于三□原禮也嗣子尚柔奉御知言等□

□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□

其辭曰

河□降

□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□

出鎮

方□位□入□奉

□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□

石銘勲垂光□□

按碑文多泐額題大唐故秋官尚書河間公之碑

有云祖□□□王安父河間元王孝恭知其爲宗
室也新唐書高祖紀高祖之祖曰景皇帝廟號太
祖考曰元皇帝廟號世祖宗室世系表太祖八子
第三子卽世祖第七子蔡烈王蔚周朔州總管相
燕恒三州刺史襄武縣公生子安哲西平懷王安
字元德隋右領軍大將軍趙郡懷公生子瓊璉琛
孝恭瑊瓌河間元王孝恭生崇義崇晦崇真崇晦
卽此碑所稱晦也碑泐字某疑卽表所謂崇晦史
表往往以字爲諱也碑于祖下泐三字合其存字

乃西平懷王安也宗室傳孝恭從高祖定京師拜
山南招討大使明年拜信州總管蕭銑據江陵孝
恭數進策圖之進王趙郡荆湘道總管遷荊州大
總管襄州道行臺左僕射未幾爲行軍元帥討輔
公祐江南平進授東南道行臺左僕射行臺廢更
爲揚州大都督改宗正卿歷涼州都督晉州刺史
貞觀初爲禮部尚書改王河間薨贈司空揚州都
督諡曰元此孝恭歷官之始末也碑文多泐因詳
識之宗室傳載孝恭子晦乾封中爲營州都督遷
右金吾將軍檢校雍州長史高宗將幸洛詔晦居

守武后時遷秋官尚書卒贈幽州都督傳載晦之
歷官惟此而已則不如碑之詳也碑稱晦薨於永
昌元年二月廿七日罷朝撤樂賜藥及衣賻物賜
粟葬事官給五品監護飾終之禮同于陪葬而其
葬所云在三口原宗室傳稱孝恭陪葬獻陵不知
三口原卽獻陵之地否也碑云夫人隴西郡夫人
鄧氏衛尉卿駙馬都尉之女公主傳駙馬無鄧姓
者碑云嗣子尚柔奉御知言等宗室表傳但有嗣
吳王榮一人不載尚柔等碑無撰書人姓名而未
云故吏等仰攀盛德似碑爲故吏所立也碑書烹

鮮作享鮮本通用渚宮之宮作宮則異文也

乙速孤神慶碑

碑下載已斷合之連額高九尺六寸廣四尺一寸四分四十四行行八十字正書篆額在醴泉縣叱干邨

大唐故右虞候副率檢校左領軍衛將軍上柱國乙速

孤府君碑銘

并序

朝散大夫守著作郎驛文館學士兼修國史上柱國
濟南縣開國男苗神客撰

淨口寺釋行滿書

天地之大德曰生聖人之大寶曰位生不可以無孝口

有道以存之位不可以無口口有德以尊之政勅口剖

張繼闢□□君有作□□□而□雲□□□□登
山而捧日可久可大闡洪業於非常立德立功乘大名
於不朽存而爲一時之□歿而爲百代之英爰有異人
今可得而聞矣

公諱祖慶字昭祐其先王氏太
原人也昔□□以□□耀象六英□□□之祥后弃以
□秩興農萬里厝鸞歌之域帝圖克峻王道攸歸周德
方隆翦商以□其業□□可遂敗狄而有其□□□□
乎天下□緒傾乎海內五代祖顯後魏拜驃騎大將軍
偉德挺生稟嵩岱之精魄洪川派別洩江海之波瀾倚
杖千仞盤紆九野遂賜姓爲乙速孤氏始爲京垂醴泉

人焉□□□家代功居□然後□周畿委□□□□
□□門漢□乘軒□秋匪珪璋之□□其榮闕故無得
而傳之曾祖貴齊右衛大將軍儀同三司使持節都督
岐州諸軍事岐州刺史周上開府□□三司□□大夫
□河州諸軍事河州刺史河州總管太子□庶子和仁
郡開國公祖安□前鋒都督周右武侯□□府驃騎將
軍開府儀□三司使持節長州諸軍事長州刺史隨益
州都督襲封和仁郡開國公拜前拜後惟昭惟穆□以
忠貞之操並資文武之才終始一口雖百君而每合出
入三代居八命而逾口父晟

皇朝上開府□武

口口甘府左車騎將軍轉驃騎將軍令緒逾崇高門克
大岳靈口德紹賢哲以相趨口口口文口口侯而繼出
公山資海授星傑口英口口騰彩驚時駿矚雖仲連飛
兔追日電以長鳴而諸葛卧龍口風雲而戢口俄屬龜
鼉架海援鶴凌江黃神吟而寓縣分素靈歎而區域震
高祖神堯皇帝開口躡步翼口口精偃攝流於
九海蕩洪氛於八極雲雷憤薄興於晉水之涓天地氣
蘊闢於渭川之浹口口口居幅裂豪口碁分鵠起逢時
之心寰中旣擾烏止于誰之室寓內攸瞻公乃蓄悟井
之深幾載驅驪早知躍泉之秘蹟言訪龍口獄訟歸禹

不忘於寤寐歌舞迎周獨斷於襟抱以義寧之始乃奉
見於口陽口蒙
恩口預叅
秦府從平京

邑授通議大夫賜物六十段戎章克峻雖策勲而既重
國圖伊始以門胄而方榮乃取祖義州府君口資口口
親衛于時雖地開金策翦鶉甸而斯安而泄口玉口口
雞聿而口靜公於是口陪八口薄伐三川從討王充破
青城堡賜物一百段并袍衫牛等加勲大將軍武德元
年又口薛舉二年復破口口神兵口舉每推立於後服
口口百勝必賈勇於先登時宋金剛尙躡地險更勞天
伐公乃口機有捷燭雲口之高輝應變無方刊風灰之

遠陣平寇之後蒙賜馬及金鞞絲物百段王充以□□
窺疊假位號於成周建德以□□日時竊仁義於全趙
恃連□之援以興危邦託刑馬之盟方爲□國□

□宗乃韜龍豹掖猊貅黃鉞排天朱旗斷霧沸洛川而
憤角震嵩巖而疊鼓王充以迭食爲命不移蛩□之心
建德以弱□□依無舛螳螂之衛公乃懷奇請奮受命
長駟破王充千金堡并從擒建德預軒勝於□符奉堯
績於丹浦燕趙俄獲蚌爲脯而無遺虞號終亡馬服興
而不失加勲柱國賜物二百段劉黑闥擁銅馬之餘□
氣蘊□南□金鳳之□□兵雄趙北公乃從平清漳洛

水二□□遂俘之授上柱國□□□并□馬等綵物
一百五十段粵以超時之効恒當不次之恩滿寵受田
殊非異賞李忠錫馬遂多慙色尋又從破徐員朗□□
竒勲既而 聖情載洽念功勞□特蒙賜□用表

□榮 太宗以元雲入口未改唐侯之爵白水開錢
猶踐蕭王之號 秦王府妙資左右公以良家首

辟□令□上仍賜□袍旣而飛鸞□□長□竭□雖域
中四大正西北之傾維而天下一家有東南之□氣

太宗乃□□□命殲厥流言推大義以龔行宏至
公而克翦公以九年六月四日載靜紆回因而侍衛□

口不口既而汾陽脫屣代口承口高鳥盡而藏弓歸獸
存而口戰公乃口從挾策且欣橐矢結墳籍而爲罟口
口口口禽然以七德攸歸五營斯佇方始執鞭之任
式隆初簣之基以貞觀五年授右衛勳衛口口口口
上六年口口口口賜絹一百口八年授右勳衛按尉公
以懷才樂道緯武經文口口時習顛沛必口口口口
口居終始存乎退尺每策勲而命賞常後己而先人所
以幽谷非遷望高木而韜響澠池徒奮至口樹而銷聲
雖口口之志每口而厚祿之期終及十年蒙授游擊將
軍守左領軍長口府口別將仍口口口口口佳兵七

萃左帶

皇畿敷庾千箱傍臨陝服正壘壁其斯

重瞻海陵其已陋聿兼其任隆寄存焉十二年以□□

□極□□□鸞東警 皇輿□□肅龍駕於□雲天

動神行揚鳳旗於□□□□□□忠賢□□入車

駕自東都還京乃 勅公檢校右衛勳上府郎將

□□□以□□養德 軋□□□□□□□□詔

□□□志懷強濟□□沉遠勞効著於戎旅恪勤宜

於階闥宜□□□□ 可守太子右衛率府勳衛

郎將於青闈□景絳□增暉招搖之桂連芳□□□

琅之竹比□□□□□□□□懋職無□於驟□之義

龍顏憑怒有事於遼水口陽驚雷輻於碣石口
高宗天皇大帝銅樓毓粹口裕

流溫雖義在懸弓宜扈於口口而時方口口實資於監
口乃口口州畱守口公口口奉口闈廿年丁驃騎府君
憂去職口輟趨口口悲陟岵絕漿九口已口口口口
口口口口每泣高柴之皿廿三年 詔授口子右

衛率府翊衛郎口犀鈎在飾鶴口登榮抑禮援口仍奏
樂口之韻踰朞口燧更承重日之輝旣而龍躍在天正
銀題於紫掖鴻飛漸陸口玉羽於元霄口口口口

口授右衛郎將永徽三年除守右驍衛翊衛中郎

將張奐坐帷奮雄邊之遠略馬卿建節馳喻蜀之高文
□宦□□括囊千載五年
詔守太子右虞候副

率尋加兼太子右虞候副率□□□□□□□□□□
卞敦良將之才閑邪是屬公之授也斯實兼焉俄屬六
麟徐駕御□京之霧雨五□遐拂俯□洛之風煙鈞陳
□委英賢是賴
駕幸東都之日檢按□領軍衛

將軍尋又
□□□□□□□□□□并州先置

還東都日檢按右領軍衛將軍仍知六閑馬事溫驪籥
景歎□□於雪谷瑞□生風□珠耀於□□賊無不理

帝有嘉焉俄又兼太子右衛率□□□秩寔□

茲□□□□□□□□□□□□□□□□□□□□□□□□門興績瞻言故實英
尚斯途公以儔之則爲優矣方冀有仁必□有壽必隆
□□未極於□□□□□□□□望周□□齒不延於練玉遽頽
觀曾之峯以顯慶五年八月□四日遘疾□□□□□□□□□□
□□□□□□□□六十有二
冕旒□悼哀榮兼撫

勅書垂慰賙贈逾隆

詔問嗣子行儼等

并賜物二百段粵以龍朔元年歲次癸亥二月戊午朔
十九日巽□□厝於雍州醴泉縣履中川□□□□□□□□
□□□□□□□□誕靈川岳德光□□舒白氣以成虹
才苞利器橫紫氣而射斗昔在髫初卽踰常類寔然殊

○如旭日之○青山湛乎深識若明月之含碧海克峻
日就至性天成教以義方則行○○○○○○○○
○○○承顏必當於隱犯知年每形於喜懼不愆于德
○○無○○○○未嘗有○○○無以○其罰○乎○
丁艱疾殆不勝喪在驃騎府君之憂公時已班隆貴屢
將○滅痛深朝野○○○○○○○○○○○○○○
古今攸絕豈止許攷○○○○翟於虛○丁密窮哀○
○○○○沼○斯而已矣加以○○○○○愛爲懷其
駕無睽○撫鍾輿之○同衾○慰每追○室之歡兄弟
數人公爲○○○○○○○○○○○○○增映怡怡可

樂其後五門將闢三荆遽慘公乃責深自悲共氣而
無終訓切在原泣分形而有異雖同胞竟阻王脩之喻
罕遵而推產不式之資給公以鼎貴餘業財
□□□□□□□□□□□□□□□□伏宗姻駭歎公以幼
承義早聞詩禮德思潤己學尙專門俄屬有隨蕩
生人歿書劔而事于戈弃俎豆而脩軍旅故得藝
殫弧矢精極韜鈴枝楊菜窮取之妙
□□□□□□□□□□□□□□□□大憝斯殲
□□□□□□□□□□□□□□□□策兵無挫
銳非以賞而邀利寧以功而伐然則因時命律稔
論兵受而莫違當厚而居百夫之長推而不有委榮

名而辭萬戶之侯卓矣高□□□□□□□□□□
□□□□□□□□執戟大雅□□斯之謂焉子國子明經
高第朝請大夫行綿州司馬行儼寧遠將軍守岐陽府
長上折衝行均游擊將軍守甘泉府左果毅都尉行方
等或傳經綜業或□□□□□□□□□□□□□□□□
□□仁者安仁□無昧於觀行將門有將理不老於□
□既而匪莪嬰酷悴栢□哀攀蠹橐而增慕循鑿楹而
載感於是乃与昆季聚族興言以爲陵谷難恃風猷易
絕雲臺入□□□□□□□□□□□□□□□□刊
之跡必存無媿之詞於是爰勒他山用□斯□庶使波

溢渤澥識墮淚□千斷□□□□□□□□□□其詞

曰□□□□□□□□□□□□□□□□□□□□□□

立功立德惟武惟文銘戈著範勒鼎昭勲名□□□□

□□□□□□□□□□□□□□□□伊笙□隆淮筮肇錫

□族卽榮昌袞袞服□輝旗□靡替明德斯□高門是

繼英英亮□灼灼瑰竒不慳于道無忒其儀光含巨闕

彩振長離公□比驥呂望非彪運□□□□□□□□

□□□□□□□□□□秦亡登山趙滅功成百勝途夷

九折已建宏勲俄膺懋寵期門甫陟羽林初奉帝庾斯

衛儲兵載擁寓省□□司□位重官連四率望越五營

聲芳漢將器表周楨未□□□□□□□□□□□□□□
□□□□□□□□哀松凋許泣九泉長送百身何及鶴地
方□□□□衣戢山秋月思野寒風急傳鈞令緒待漏英
才蘭期奄隔楸思俄開圖芳□路紀德泉臺九原微□
萬古風埃□□□□□□□□□□□□□□□□□□□□□□

□□□□□歲次□寅二□戊申朔十九□□□□立

□□□□□跡鄉□

闕

右乙速孤神慶碑宏文館學士苗神客撰神慶唐初
仕三衛高宗時爲太子右虞侯副率以卒乙速孤氏
在唐無顯人惟以其姓見於當時者神慶一人而已

元和姓纂但云代人隨魏南徙而已其叙神慶世次

又多闕繆而此碑所載頗詳云其先王氏太原人

有闕

文代祖顯爲後魏驃騎大將軍賜姓乙速孤氏遂爲

京兆醴泉人曾祖貴隋河州刺史和仁郡公祖安隋

益州都督父晟唐驃騎將軍乙速孤氏世無可稱而

其姓出夷狄莫究其詳惟見於此碑者可以補姓纂

之畧以備考求故特錄之

集古錄

昭祐名神慶本姓王氏太原人高宗時爲太子右虞
候副率檢校左領軍將軍上柱國以卒史不立傳且
不復姓王氏不可曉碑苗神客撰釋行滿書書亦勁

健有法然不及王知敬趙模諸人

石墨
鐫華

右右虞候副率乙速孤神慶碑文云龍朔元年歲次
癸亥二月戊午朔按癸亥乃龍朔三年非元年也又
以通鑑目錄攷之龍朔元年二月丙寅朔三年二月
乙酉朔俱非戊午朔碑版之文所紀年月宜得其真
而牴牾如此殊不可解然此碑決非後人所能僞作
也神慶嘗爲右衛勳二府郎將按唐書百官志親衛
之府一曰親府勳衛之府二曰勳一府曰勳二府翊

衛之府二曰翊一府曰翊二府凡五府每府中郎將

一人左右郎將一人是

其職也神慶祖安爲周右武

候右六府驃騎將軍父晟唐右武侯右廿府左車騎
將軍六府廿府之名於史無考

潛研堂金石文跋尾

舊志云乙速孤昭祐存二千五百餘字 續志云昭

陵志誤收乙速孤父子墓碑入陪葬功臣之內睹其
字而未讀其文也其墓在叱干邨九嶼山後三十里
不在文獻通考所指一百二十里墓田之內安得謂
之陪葬 按碑篆額書檢校字从斗謬甚

醴泉縣志

按此碑文約三千餘字存者尙得八九文爲苗神
客撰釋行滿書卿大夫墓碑而用方外人書不多
見也苗神客舊唐書附元萬頃傳云高宗廣名文

詞之士入禁中修撰萬頃與左史范履冰苗神客
右史周思茂胡楚賓咸預其選苗神客者滄州東
光人官至著作郎新傳則云武后諷帝召諸儒論
議禁中萬頃與周王府戶曹參軍范履冰苗神客
太子舍人周思茂右史胡楚賓與選此碑結銜云
朝散大夫守著作郎宏文館學士兼修國史上柱
國濟南縣開國男可補史之闕也碑云公諱神慶
字昭祐其先王氏太原人碑書神慶二字俱缺末
筆未曉其故唐書宰相世系表王氏定著三房一

曰琅邪王氏二曰太原王氏三曰京兆王氏又有

烏丸王氏始于霸六世孫光後魏并州刺史生回
度支尚書護烏丸校尉廣陽侯因號烏丸王氏生
神念北齊亡徙家萬年此外不詳賜姓乙速孤氏
之王氏所自系碑述其先世始自五代祖顯卽賜
姓之祖也次及曾祖貴祖安父晟累世歷仕魏齊
周隋唐神慶歷官始於高祖迄於高宗顯慶五年
卒年六十二推其生在隋開皇十九年則高祖武
德之初年二十矣神慶以龍朔元年歲次癸亥二
月戊午朔十九日厝於雍州醴泉縣履中川癸亥
爲龍朔三年二月爲乙酉朔碑之誤固無疑矣唐

時厝葬大率距薨逝之日不遠若顯慶五年卒至
龍朔三年厝相距四年未必如是之久則龍朔元
年似屬不誤下文癸亥戊午誤也碑叙歷官云還
東都日檢校右領軍衛將軍仍知六閑馬事首行
標題乃作左領軍衛將軍有不同也唐書百官志
尚乘局奉御二人直長十人掌內外閑廐之馬左
右六閑一曰飛黃二曰吉良三曰龍媒四曰駒駉
五曰馱馱六曰天苑而別無知六閑馬事之官神
慶似以右領軍衛將軍兼領尚乘局事也神慶生

三子長行儼國子明經高第朝請大夫行綿州司

馬次行均寧遠將軍守岐陽府長上折衝季行方
游擊將軍守甘泉府左果毅都尉唐書選舉志取
士之科由學館者曰生徒其科之目有明經凡學
皆隸于國子監國子學生三百人以文武三品以
上子孫若從二品以上曾孫及勳官二品縣公京
官四品帶三品勳封之子爲之神慶官右領軍衛
將軍階泛三品故行儼得入國子監爲明經也百
官志武散階正五品下曰寧遠將軍懷化郎將從
五品下曰游擊將軍歸德郎將諸衛折衝都尉府
每府折衝都尉一人上府正四品上中府從四品

下下府正五品下左右果毅都尉各一人上府從
五品下中府正六品上下府正六品下行均官守
岐陽府長上折衝而階正五品下是下府折衝都
尉行方官守甘泉府左果毅都尉而階從五品下
是上府果毅都尉特岐陽甘泉二府未有所攷耳
碑末云歲次口寅二口戊申朔十九口口口立文
內有高宗天皇大帝之語則立碑在武后朝載初
二年庚寅歲是歲九月改元天授二月尚是載初
据通鑑目錄是歲二月正戊申朔十九日爲丙寅

也未行有跡鄉二字金石錄卷之九碑跋稱遇

葬於昭陵神蹟鄉疑卽神蹟鄉當指其墓所在然則雖非陪葬昭陵而亦去陵不遠矣

姜遐斷碑

碑廣四尺四分僅存下截高四尺二寸六分
三十三行字數無考正書在醴泉縣昭陵

上侍郎口口公晞撰文并書

上望口口規口之口口口之口口口咸欲下飛口

則負下子之下之在下之下諱遐字柔遠下之千

石下之嘗指下又奉制授口宮通事舍人下晤下

矣下之成口口口之口夷夏以爲口口朝廷下授

下於其口口之遷口口口府郎將口口陳下有年口無

下檢按關為正下進轉後關論關以為屈關之下

月關餘關之關以黜防關以下禮關節關性明七關

以關人口天關人口關公關之關以下風關閣關

口關口關賜絹百匹以關口關之關效也下下關口關去下莫關

能關口關尋奪禮起下中使關延下口關冕旒關悼關口關

口朝服一以下關十關葬于昭陵之舊瑩禮

也下以下關隱關口枝葉於關經關口關口關求聖賢關口關

口關正下以下關不關口關口關之門人下之關口關口關妻關口關不復

下以博聞下尤善草詔關口關口關一時推下於奉親也關口關

口關之養故關口關口關口關舞之下之關口關口關不關翰下書關

口口元關銀青光祿大夫口口口口口口口口兵

人關昭下思下親下意將口口口口氣口言欲口口口

口爲銘口

關外口心口逢口雲披遇口行口可口口口子口括囊

關天憲口口帝宇熙宸重寄西下赫奕口光口口神

口昧昧天道茫下

遐者暮之孫行本之子史但附兄簡傳云弟柔遠美

姿容善敷奏則天時至左鷹揚衛將軍通事舍人內

供奉寥寥數語亦不云名遐遐之子卽姜皎而撰書

遐碑者乃簡之子晞代簡襲行本爵爲郕國公者也

碑上段已亡止有下一段棄墓側余摩而錄之按游

景叔刻昭陵圖止有姜確墓確行本名史亦云行本

陪葬昭陵而俱不及柔遠何也

石墨
鐫華

右姜遐碑姪邲國公晞撰書碑已斷裂而祖父子之

名尙備碑云公諱遐字柔遠祖暮父行本子收晦春

秋五十有二卽以天授二年十月十日葬于昭陵神

蹟鄉之舊塋按史行本名確以字顯而碑正書其子

遐附行本傳云子柔遠未嘗云柔遠名遐也且暮傳

止云子確而碑云故伯父太子僕嘗指公謂人云云

似暮尙有子而史遺之東宮僕寺有僕一人從四品

一卽所謂太子僕也晞爲簡之子嗣行本爵史亦不載
碑雖殘泐猶足以證史之闕如此

金石錄補

碑漫滅不可讀存二百餘字有云授東宮通事舍人
餘俱斷續不能成文按東宮通事舍人可以補史之

缺

雍州金石記

諸書但詳行本陪葬昭陵而不及遺攷昭陵陪葬例
子孫願從祖父葬者聽還以丁內憂起復不餘年而
卽卒當是從父葬于昭陵本不得與陪葬者同例也

關中金石記

按金石錄補稱此碑祖父子姓之名尙備以天授

二年十月十日葬於昭陵神蹟鄉之舊塋今此碑
自祖墓以下文俱不存其葬處但有葬於昭陵之
舊塋未見有神蹟鄉也長安志醴泉縣六鄉曰美
華通時新望崇孝神安白涇又註云唐十六鄉有
白鹿長樂瑤臺修文四鄉餘不傳又云昭陵在縣
西北六十里封內周一百二十里九峻山白鹿長
樂瑤臺三鄉界不云有神蹟鄉此碑雖文多磨泐
然葬於昭陵之舊塋文甚分明此七字中不能再
容神蹟鄉三字其昭陵上空二格亦例所應爾非
關闕泐是金石錄補之語猶未確也碑之歷官可

見者曰奉制授口官通事舍人曰口府郎將曰檢
校曰銀青光祿大夫其恩賚曰賜絹百匹其學行
曰求聖賢曰博聞曰尤善草隸曰奉親也餘皆零
字不能成文碑無歲月据新書傳稱柔遠武后時
至左鷹揚衛將軍攝地官尚書通事舍人內供奉
百官志載戶部之改地官在光宅元年而遺之攝
地官尚書在通事舍人之前則其卒在光宅元年
以後尚歷有年金石錄補以爲天授二年葬者非
無據也石墨鐫華謂昭陵圖止有姜確墓不及柔
遠今玩碑云葬於昭陵之舊塋顯然是耐其父墓

旁宜乎昭陵圖所不載此與阿史那忠同一例也
碑題侍郎口口公晞撰文并書舊傳姜暮堯贈鄜
國公子簡嗣簡卒子晞嗣開元初左散騎常侍而
不書其開元以前歷官此碑有侍郎字惜闕其上
不能攷也

獲嘉縣浮圖銘

石橫廣四尺四寸五分高一尺五寸三分二寸
六行行二十或二十一二十二字不等正書

大周懷州獲嘉縣朱四娘爲女造浮圖銘

并序

原夫○樹開宗道德希夷之際泥丘誕聖仁義韞鑠之
間終不能脫略生滅之途輕舉塵宰之域大矣哉我能

仁利見也慈雲觸石沃燦炭於炎廬慧袞廣乘濟沉骸
於慈岸清信女張氏懷州獲嘉縣人白水之源遂廣傍
控九河黃石之道克隆遠敷三略像賢接武襲冶分翹
祖德家風可得而言矣昔在襁褓慈父口口言念惟桑
不忘造次乃蒿簪藿食宴坐經行滷口陟岵之恩忍絕
乘龍之慶未嬪高援幸已弱笄以爲寫口口口薰脩之
末跡糾組織經俗中之常累非出代之要道口口仰止
高山有終焉之志以垂拱二季二^④十八^②因遊此寺
遂自投此崖殉身飢獸昔尸毗慈悲於一鳥山童踊躍
於八字殆無以過也母朱氏恨起漢臯之珠怨結秦樓

之鳳乃發茲麤頭造浮圖五級其壘也丹崖如削青松
似蓋巖泉瀑布山石開蓮騎鱗餌太之賓坐桃源而長
嘯駭鴻鸞鶴之士披竹徑以吹笙斯乃出代之佳遊者
也大周如意元年歲次壬辰①甲午朔十五②戊申
功用斯畢敢以此福上爲 聖神皇帝陛下及口

口七代祖神德祖口高父言堪見存母朱婦大娘二娘
妹娘子弟知微并諸眷屬法界蒼生同登彼岸恐陵谷
遷智乃勒銘云

猗歟張氏堅操③新凝姿④浦垂耀⑤津徘徊漢曲飄

飄洛濱去彼穢累來斯善因志遊五淨心出六塵欲求

口境先弃今身其一哀哀慈母言念傷情建斯功德搆此
經營下臨口塋上出太清高峙邈邈孤秀亭亭口口口
口口搖鐸聲庶千秋而萬歲長不朽而無傾

按此碑題曰懷州獲嘉縣朱四娘爲女造浮圖銘
口口据文是其女張氏投崖而死朱氏乃造浮圖五級
以資冥福也懷州獲嘉縣屬河北道河內郡縣境
無山不知所投何崖也浮圖以如意元年七月功
畢是歲九月又改元長壽七月尙是如意也武后
自庚辰九月改號大周加尊號曰聖神皇帝至是
已三年矣碑書日月星載皆用新改字

薛府君碑

碑存上半連額高五尺二寸五分廣四尺四寸三十三行行字無攷正書額題大唐故揚州長府薛府君之碑十二字篆書

大唐故揚州長府薛府君之碑

上闕蓋承□□□□體下闕馮翊當□榮命起公□□□□

□□□□□□□□節下闕御史衛尉卿平陽縣開國公

贈車騎□□□□□□州□史執下闕文朝儀同三司

鄜城山陽二郡□□□□□□府長史□騎侍郎下闕

奉使節以綬吳□宣□□□□□□禁□□□其岳

靈□殿□於下闕門□□□摧□蘭於早□□□□□□

□□□□□□□□□□□□□□
□□□□□□□□□□□□□□
□□□□□□□□□□□□□□

□□□□□□□□□□□□□□
□□□□□□□□□□□□□□

□州刺史下詞□岳閑□□□□□□□□□□
□□□□□□□□□□□□□□

闕聞□誘□城□暴□□□□授□州下虜無壁壘占雲

察□□築受降下車之□□□
制下軍事□

州刺史□車□□遽□嚴父之□□□□□風下爲下之

化二□公歷□□二州□□□□□□□□□□

□□咸下五下五下有下方伯挹□清塵下□□□□□

上仍下從宅無追趨庭有□雖□榆驟□□□□□□□

□霜露□□每切下猗歟仕夏顯允佐商□基峻極□

口靈長口口罷御口口仍藏下謝庭生玉韋房毓珍口

口君子口口淑人口口口口口口風塵末言下然運海

子文夷雅口口口口別口口歡口口口尙仁口口口口

貞口亮下關賴持中擘轡出口口輅口谷鑿周口益口口

口口口魯下關展口結簪纓汾口口口河口口口口口口

口口口口口盛徒下關口口口口口口口口口口

寶刻叢編揚州都督府長史薛寶積碑王處撰文林

郎王應坦書長壽中立在河中是碑漫漶過甚惟額

書大唐故揚州長府薛府君之碑十二字尙完好知

卽寶積碑無疑竹嶼旆金石目錄口口口口口口口口口口

小石橋碑

碑下截已斷今連額僅存高四尺六寸四分廣二尺四寸作三截書上二截皆二十二行刊碑主橋主翁心主施主姓名下一截記十九行字數無考正書篆額

牛口小石橋之碑

口口口鑿元季歲次乙未⑤景子朔二②丁丑

口口三空凝象至術之理難窮四諦沖元真知之宗莫

測下解猶述口密之津口口高口未靜輪迴之口口口

毒口口下口究有象口口口口无生法忍口非理口口

口口慧口口下口福已口於既往是以花臺瑤口口口

口之知歸口口口下迷口使靈口永著者其孰能尚於

津梁□□□牛□壞石闕下以安□之代南北爲□長之

途□義之□□西作送迎之闕下□□□駟傳□郵停

驟駐軾斯橋所主蓋始於茲代序闕下□□□並移裕變

刊創莫知□跡元功徽音不嗣□大唐闕下□□□壑

輔駕象□□道□□元仁流下□五神入□闕下□□□

□□鏘金岱嶽軋封元季闕下④南巡龍輿□此以□

□津□□爲梁旣闕下聖迹神行不敢湮廢以□鑿元季

闕下菁尔□□□前臨廣□炎精曜魄之□□蕃郊維

周卜闕下磬□□□□而流音左帶□巖石映霞而照

錦窳聖賢闕下之□□□焉有清信士玉寶□朱元英韓

宏澤朱元弊關下 虫關口口知因極之難追口發菩提

其崇斯果口高關口爲關下口口人口敬刊貞石口口名於

万古庶千齡而不易迺爲口口

關上昧三空妙口鷓林隱口龍宮秘識口此輪迴孰知其

極關口下有口口口口勁口念乙口肇建 采口崇遐慙

忠波遷關下

大碑主王寶口

大碑主韓宏澤 發心主口口口

大碑主朱元口 發心主韓知節

大碑主朱僧滿 發心主韓元智

大碑主朱元度

發心主韓知口

大橋主朱元英

發心主王思敬

大橋主朱文振

發心主朱口仁

大橋主韓知古

發心主韓道興

大橋主朱若會

大施主朱口口

大橋主朱口口

大施主朱口口

大橋主朱口口

大施主朱仁惠

大橋主朱口口

大施主口口口

大像主韓文王

大施主口口真

大像主羊選友

大施主羊思福

大像主羊簡賢

大施主羊思恭

左 菩薩主韓里朗

施主朱□□

左 菩薩主朱元口

施主飛騎尉朱令諶

右 菩薩主朱仁撫

施主朱令詢

右 菩薩主韓口九

施主朱令則

右 菩薩主韓玠業

施主韓知禮

右 菩薩主朱元智

施主朱墨字景沖

按此碑記建橋造像之事首行題云口聖元年歲次乙未月景子朔二日丁丑乙未是紀歲干支此下當云某月不知碑何以失書也据通鑑目錄是

歲八月丙子朔唐書則天紀一月改元證聖九月
改元天冊萬歲碑有聖字確是證聖則碑爲八月
所立無疑也此時武后稱帝建號不必避唐諱而
碑猶諱丙爲景也此橋臨大道爲乾封元年南巡
鑾輅所經因而建橋造像文蓋記橋主像主發心
主大施主助成功德而以大碑主居前後三十八
人姓名大率朱韓二姓居多羊姓四人首一人則
王姓也書官者一人飛騎尉朱令諱書名及字者
一人朱墨字景沖

金石萃編卷六十二

賜進士出身 誥授光祿大夫刑部右侍郎加七級王昶誤

唐 二十二

封祀壇碑

碑僅存上截高七尺二分廣六尺二分三十七行每
行七十一字今存四十一字正書額題大周封祀壇

碑六字篆書在登
封縣西萬羊岡

大周封祀壇碑 并序

春官尙書監修因史上柱圜梁王惠三思奉勅撰

朝散大夫守口

下闕

惠聞乾坤大象也張三光而列五岳帝皇大寶也朝萬

因而禮百神然則歷考河圖傍稽洛讖乘樞建極口

闕下

望羲農軒頊氏往堯舜禹湯氏作邦畿則千八百因封

禪則七十二層唯臨^②觀之岫纔越而齊之嶺將口

闕下

三花玉樹遙分神女之臺五色金芝下秀仙厓之窟仰

通上帝之境俯枕中樞之甸風煙萬南徵薦鮓而口

闕下

昌之^②可以召玉帛可以勤銀繩建顯號而施尊名飛

英聲而騰茂實其唯

我大周乎

祖闕下

興王之祕籙運鵬海而首出躍龍泉而高視卷舒元氣

分寶位於麤宮登步太階受環圖於黃屋均兩曜而

闕下

而冊金輪聖神皇帝陛下徇齊作后聰明爲辟心懸萬

圓從鴈塔而乘時足馭千花自龍宮而應運垂大口

闕下

位祥龜負字懸符啓夏之徵瑞馬呈圖豫送開虞之兆

豈獨而浮紫氣知赤帝之將興壘映虹口表朱宣之

闕下

之回棊聚祥經誰識去來之果延妙相於丹辰降法身

於紫極湛然常樂輪風銷八柱之而寂尔園明劔雨

闕下

踊懸石鏡於丹青壑水潛開湛珠泉於碧浪澄漪寫匝

非闕竹箭之流迴岫排雲何止蓮花之口遐循口口

闕下

至德掩於百代宏猷超於萬葉謳歌纂錄考符瑞於堯

終獄訟膺期送休徵於舜禪八脰四闈之制五室九

闕下

宮非待子輿之議懸寶思而不測運靈襟而獨遠雕

楹峻峙若鼇柱之臨空反宇中垂似鵬雲之映□□闕下

紺席於雞津開紫壇於龜浦蒼龍曉闕鉤陳迴雙闕之

前翠鳳晨張玉輦下三川之上山分虎據指□□□闕下

之野開玉帷而鈐土命金壇而拜將營分水區煙銷彭

蠡之濱陳起山虹霧廊洞庭之野三監縱憑七閘□闕下

雲梯驅鴻裝而駮鳳駕未若浪井常沸雲漿鎮涌流珠

罕匹練玉難儔偶西璽而爲尊配東皇而保祚□闕下

奏飛龍遠叶高陽之代鬼神無以祕其奧造化所以同

其節鯤池象浦纒居侯甸之中細柳蟠桃未出王畿闕下

庭而失所銅掌鑄於漢①金莖營於魏代空竭神仙之

望無階風化之美未有殊方送款爭馳就口之心口

闕下

昭嶢而上秀山光拂迴疑覆鼎之黃雲珠影浮空似臨

圭之白○銅舟鐵軻凌幽駕險石砮玉環馳煙驛口

闕下

鹿銀麈季趨於帝囿龍編列壤遙通落鴈之峰象部

疏疆遠控口鳶之水時驚虵豕之暴或縱豺狼之虐

闕下

毗俗皇威遠舉取八桂若摧枯廟略冥通殫三珠

如拉朽煙塵息而九區靜文軌同而萬方泰至若口

闕下

至鷲啼草秀鴈飛木落丹花翠柳送宇宙之春光玉露

金風漲山川之秋氣披繡闥而口而步做雕軒而口

闕下

庫登而俗阜高而降祥先開雨粟之禎厚壘鍾祥更錫

歸禾之瑞艾韞知懼草纓無犯鄭竹所以焚科燕口

闕下

集黑玉來而殷業秦龍飛白水赤伏至於劉亭鳳集岐

山丹書下於姬戶今皇圖纂於七寶而冊口於口

闕下

頭鷲鶴旣巢於阿閣牛尾狼題方駟於禁籞山車澤馬

湊仙掖而駢闐丹甌黃口擁神州而駱驛祥冀候口

闕下

曠時殊貺咸不召而自來絕代洪禎固無幽而不出於

是三靈聳聽萬方翹首羣公陳禪草之儀 而子口

闕下

者霧集叫龍闈者雨驟 宸儀迴映俄流黃道之暉

仙渙遙垂忽降丹穹之液粵以而冊萬歲二季元口

闕下

三界有昭蘇之樂 皇恩與和氣同泛 帝澤共祥雲

俱灑車書岳朔極遠而窮幽文物聲明振而動壑

闕下

之樓法駕出銅馳之道八神分衛飛蒙茸而走陸梁萬

騎齊驅擁浮雲而騰轉電虹霓作其旌旆霜雪爲其

闕下

帷宮欲野笙鏞交太一之壇帳殿歎山鐘鼓沸而中之

邑

闕下

聖皇乃端瑞珽降雕輿率百辟而虔肅契

祥光下燭金花孕彩依輦道而分暉玉醴浮甘委行厨

闕下

而蓄潤變溫景於黑陸降仙禽於丹嶠木呈連理

闕下

射牛之盛禮鏤

闕下

皇猷於翠碱騰

闕下

帝徽於紫岳煙雲

闕下

動色標絕跡於千乘雷雨流

闕下

恩洽殊私於萬類

闕下

賤而頌德抽兔豪而瀝思所冀

闕下

皇猷永固將九壑而

闕下

齊貞 帝祚長隆與三而而其遠其詞曰

洪鑪始闢大象夙甄四溟環壘八柱承而江河潰薄②

匪迴旋三徽遞往五運更遷其文物既敘皇王有作下

弈三皇俱陳玉帛各起壇場烏魚苻瑞茅黍徵祥寧臨

太室空陟神房其玉冊延祚其金輪馭極壇躍下

中千花聳塔七寶口宮傍周法界上達虛空長懸佛②

永息魔風其峻極于而鬱盤于壘漢蹕徒擁虞巡莫下

疊跡蒼龍希陪 口輦願侍雲封蒲輪欲駐芝誥俄從

其鳳輿祥垂龜圖考②法駕將備 乘輿迺出却口下

璋旌旗焰焰宮徵鏘鏘口浮口②壘燭神光其古樹三下

花仙巖萬歲銀口是勒金口口口業口九皇功超口

闕下

武后封祀碑故存自號大周當時名賢皆不著姓名

於碑陰尙虞後代之譏其不典也碑之空無字處觀

聖俞記樂理國而下四人同游鑿刻尤精

謝絳游嵩山寄梅殿

承書

封祀壇碑今在登封縣西萬羊岡下截剝蝕亾其月

日金石文

字

封祀壇碑武三思奉勅撰薛曜書按此書結構道密

較石淙殊勝碑文凡三十六行下載三尺餘剝落已

盡文義難屬

嵩陽石刻記

碑上截歷歷可摹石質堅瑩擊之作響不似他碑之
漫漶唐武后出新意爲十九字當時臣下章奏與天
下書契皆用之此碑可徵也碑內書人姓名今亦糝
糊邑故家有藏明時搨本爲薛曜書名以此爲据捫
石諦觀猶可辨識

說嵩

金石錄有登封元年封祀壇碑云武三思撰薛曜正
書寶刻類編云萬歲登封元年十二月顧炎武云下
截剝蝕亡其年月今據寶刻類編知之碑中有啗字
至字卽君字人字宜和書譜載武后增減前人筆畫
爲十九字有此文但微誤耳鄭樵通志六書略作十

八字乃遺此二字新唐書后妃傳又作十二字俱不同
同周亦見順陵殘碑至亦見司稼寺卿杜夫至墓志

中州金

石記

碑下截風雨激射殘其年月不可見金石錄作登封
元年寶刻叢編作萬歲登封元年金石文字記作天
冊萬歲二年案舊唐書禮儀志天冊萬歲元年臘月
甲申親行登封之禮禮畢改元萬歲登封据是則立
石書石當非刻期可就顧亭林氏以爲天冊萬歲二
年者近之然旣改元萬歲登封則亦不宜稱天冊萬
歲二年矣碑薛曜正書名今無存曜附唐書元超傳

金石錄卷之三十一
云聖歷中附會張易之官正諫大夫者是其人也

授堂

金石
跋

按此碑下截磨滅每行字數本無攷今準以銘詞

甲二章三章共應六十四字加註其二占一格共六

十五格而存者僅三十五字是缺三十字再以銘

詞首章連二章八字共存四十一格加缺三十字

是每行七十一字也所存字得十之六俱完善可

讀壇在嵩山新唐書禮樂志不詳其制舊書禮儀

志高宗既封泰山之後又欲遍封五岳至永淳元

年於洛州嵩山之南置崇陽縣二年七月下詔將

以其年十一月封禪於嵩岳詳定儀注於是議立
封祀壇如圓丘之制尋屬高宗不豫遂罷封禪之
禮則天垂拱四年將有事于嵩山先遣使致祭以
祈福助至天冊萬歲元年臘月甲申親行登封之
禮改元萬歲登封三日丁亥禪于少室山又二日
己丑御朝觀壇朝羣臣咸如乾封之儀志雖不言
則天時壇制如何大約卽高宗時詳定之制而行
之志於禮畢後但載有則天自製昇中述志碑樹
于壇之丙地而不載此碑通鑑于天冊萬歲元年
四月天樞成書武三思爲文太后自書其榜而于

此年封嵩嶽亦不書武三思撰文之事金石錄宣
政雜錄並言昇中述志碑政和中河南尹上言請
碎其碑詔從之而此碑幸存不在槌碎之列碑題
春官尙書監修國史上柱國梁王臣三思奉勅撰
舊唐書傳三思后族則天革命封梁王證聖元年
轉春官尙書監修國史略涉文史以則天厭居深
宮欲與張易之昌宗等扈從馳騁以弄其權乃請
創造三陽宮于嵩高山興泰宮于萬壽山請則天
每歲臨幸而不書其撰文紀封祀之事殆事出不
經紀載從略宜也金石文字記稱此碑爲薛曜書

今但存朝散大夫守五字兩唐書薛收傳收子元
超元超子曜以文學知名聖歷中修三教珠英官
至正諫大夫而不著聖歷以前官朝散大夫階從
五品下碑有守字不知所守何官也碑無歲月寶
刻類編以爲萬歲登封元年十二月者記登封改
元之年月也金石文字記作天冊萬歲二年者以
碑中有天冊萬歲二年字也蓋登封行事尙是天
冊萬歲禮畢改元則爲萬歲登封其實皆一時之
事也文皆稱頌武氏之諛詞大抵諧臣媚子北門
學士等代三思爲之詞雖偉麗無足深攷碑書虎

金石錄卷六十二
字已不避葉字仍作葉避世字也

梁師亮墓誌銘

石高二尺九寸廣三尺四寸十九行
行二十八字正書在西安府百塔寺

大周故瑯州榮德縣丞梁君墓誌銘

并序

君諱師亮字永徽安定烏氏人也若夫河汾潁涑大啓
濫觴之源幽雍林坳勃興拳石之址則有武威太守前
冕赫奕於鄉亭并州刺史旌棨駢闐於門巷大父殊隆
任右監門錄事顯孝金柱唐奉義郎並行高州壤道龔
王侯楊雄非壘之書我家時習方朔易農之仕吾人所
尙君珠藪夜光玉田朝彩張仲孝友早爲立身之具夫

子溫良持作揚名之本未嘗欺於閭室何謝古人夙不
忤於虛舟自符先達棲遲禮讓擯落驕奢弋釣丘墳洪
耘道藝詞包吐鳳傲三變而英峙字抱迴鸞雄一臺而
介立聲馳②下辯振雲間後進欽其領袖時輩宗其瑚
璣起家任唐朝左春坊別教醫生摠衣鶴禁函丈龍樓
究農皇之草經研葛洪之藥錄術兼元化可以滌疲痾
學該仲景因而昇上第屬龍庭④滿鹿塞塵驚命將出
師千金之費逾廣飛芻挽粟萬里之糧宜繼君尸庭不
出葦甲匪疲遙同轉輸之勤遂獲茂功之賞永隆二季
以運糧勲蒙稔上柱國既而欽明曆代宮車晏出守文

承廬園陵繕修紀市功成實憑子來之力穀林
務畢仍覃發哀之旨垂拱二季以 乾陵當作功

別 勅放選釋褐調補隱陵署丞解巾從宦智效
聿宣結綬當官幹能斯著秩滿俄而上延 朝譴

穉環州榮德縣丞貳臧千石贊務一同蠻陬又寧平人
是賴終使悠悠墨綬方宏上艾之風泛泛銅章行闡中
牟之化隨牒云滿解印言歸吹蠱餘災纏迫少城之塋
遊魂永逝崩摧武山之石以萬歲通而元季七 二

終於益州蜀縣春秋卅有七嗚呼哀哉卽以萬歲通而
二季三 六 葬於雍州城南終南山至相寺榷梓谷

信行禪師塔院之東陪先塋也嗣子齊望嬰號越④孺
慕彌季悲懷袖之靡依慨舟塋之潛運黃墟九塋始殷
荒戀之情靡夜三泉終藉鐫題之事乃爲銘曰

東京后族北塋邦君七侯馳譽三主揚芬瑞掩金冊榮
繁寶傳覈諸隆盛曾何足云祖孝餘慶英髦間出嘯傲
參廡乘凌喻②温恭宅性廉白成質譚思漆書儲精綠
裘鴻陸爾漸龍門早昇聲敷寢廟智效③園陵
而朝我黜縣道爲丞勩疑邊徼化協黎蒸還塗未極生
涯遽已瞑目他鄉歸骸故里新封暫啓賓御燥而野雲
愁舊壠長局松檟昏而山霧起碑闕方交暎陵谷兮潛

徙所悲螻蟻之埏銷淪而塞之紀

師亮字永徽以本朝年號爲字猶漢袁紹之字本初

質帝年號本初

古人之無避忌如此

金石文字記

右珍州榮德縣丞梁師亮墓誌元和郡縣志珍州貞觀十六年開山洞置并置夜郎麗皋樂源三縣別無榮德之名惟漆州有榮懿縣漆與珍接壤而德懿字形亦相似豈榮懿卽榮德之誤而榮德又嘗改隸珍州乎然無他文以証之矣唐書地理志謂元和二年珍州廢縣皆屬漆州攷元和郡縣志珍漆各自爲州尙未改併吉甫薨于元和九年十月故志所載有八

年九月事而珍州之廢志無其文則唐志以爲元和
二年廢者又未可信也師亮以出貲助轉餉永隆二
年授上柱國與澤王府主簿梁君同又云起家左春
坊別教醫生攷百官志左春坊藥藏局有郎丞待醫
典藥藥童無云別教醫生者惟太醫署有醫博士及
助教掌教授諸生然則師亮殆以醫助教入侍宮坊
者歟又云調補隱陵署丞攷唐六典隱章懷懿德節
愍惠莊惠文惠宣七太子陵署各令一人丞一人又
唐書儒學傳亦云隱章懷懿德節愍四太子並建陵
廟分八署置官列吏卒是知隱陵者隱太子建成之

陵太子陵不別立名以謚爲名也此胡三省通鑑注

所闕

潛研堂金石文跋尾

按武后所改字授作楸契苾明碑作蝨今梁師亮墓

志作穉凡兩見均有小異

雍州金石記

思亮字永徽安定烏氏人起家左春坊別教醫生以
突厥入寇轉粟功授上柱國修乾陵補隱陵署丞謫
授榮德縣丞卒生平無甚著聞可見者如斯而已書
者筆蹟工整猶有歐虞遺法文中多用武后新字鄭
樵六書略所載爲板本所亂以此與契苾明等碑攷

之庶得其正云

關中金石記

志拓本完好偶于大梁書肆中得之亟搆以歸尋次
漫無可推証獨志所云梁君起家任唐朝左春坊別
教醫生案之唐書皆乖刺不合百官志東宮有左春
坊其職任但于膳藥有所司而別教醫生之文則志
未嘗及太醫署醫博士掌教授諸生針博士掌教針
生以經脈孔穴如醫生其官又不在東宮今志牽附
左春坊之下或左春坊于東宮內旣典膳藥矣而其
所隸諸醫生亦當因事教之是于史文特未具故以
志所錄亦可附見也志又言永隆二年以運糧勲蒙
授上柱國垂拱二年以乾陵當作功別勅放選釋馭

調補隱陵署丞又云上延朝譴授珍州榮德縣丞梁
君歷官亦或遭時倖位不足殫述然于當日權宜之
制多爲史所未備故并爲著之

授堂金
石跋

式按碑直以君諱師亮起不加鋪敘之文體之簡質
小者也敘先世祇及其大父顯考則其高曾之不甚
未顯可知其敘遠祖有云武威太守軒冕赫奕於鄉
亭并州刺史旌柴駢闐於門巷武威謂漢梁統烏
氏人更始拜爲酒泉太守并州謂漢末梁習曹操
碑爲漳長累官并州刺史碑云大父殊隨任右監
志門錄事隋書百官志左右監門府掌宮殿門禁及

守衛事有錄事一人顯考金柱唐奉義郎唐書百
官志有奉議郎階從六品上無奉義郎疑碑訛書
也師亮以萬歲通天元年卒春秋四十有七推其
生在永徽元年其永隆二年授上柱國年三十三
是時突厥寇邊命將戰伐運哲著勳當由于此前
此則云其家任左春坊別教醫生因昇上第而不
著何年百官志東宮官武德三年改內允曰中舍
人隸門下坊龍朔二年改門下坊省曰左春坊咸亨
元年復舊景雲二年改門下坊省曰左春坊則師
亮之任左春坊在龍朔二年以後咸亨元年以前

其時年不滿二十安能充博士敎習醫生玩碑有
因昇上第之語似乎師亮自充醫生而受博士之
敎業成而昇上第也唐制官吏勲級凡十有二轉
爲上柱國視正二品師亮以運糧以上柱國之勲
似與納粟賜爵之例相仿而史志不詳又垂拱二
年以乾陵當作功別勅放選高宗之葬在嗣聖元
年八月至垂拱二年乾陵始畢功師亮以山陵
勞績注選且有上柱國之榮勲而禮祿祇補隱陵
署丞此亦可見當時授官不係乎勲之高卑也師
亮有子齊望不書官位是未仕也

馮善廓造浮圖銘

碑高二尺七寸廣二尺六分二十一行
每行字數不等行書在許州府長葛縣

浮圖銘

趙顛撰

書銘人佛弟子姚璟

夫以陰魄陽魂如風似燭歎浮泡之易盡口口口之難
口預啓津梁不憂生滅高託蓮花之上遙歸柰苑之中
菱矣哉不可得而言也況口雞鳴遠系郎署遙基門德
早通時英不絕曾祖諱忠祖諱推父瓊琳玉菜俱抽撲
漢之陰驥子龍文並踈追風之影父諱敬夫人沉氏或

碎珠驪頷貽試將來或斷織蛟梭退吞故事既侵蒲柳
早歸松栢孤子善廓等哀縗露蓼痛軫風林追念二親
願從三寶所冀先靈納祐遊定水之津梁後嗣承恩入
慈門之戶牖以大周萬歲通庠二季歲次景申肆⑤景
濱朔拾肆⑥己卯遂造浮圖一所石像口區尔其塵囂石
疊重雜煙雲之氣色紫金圓滿含⑦⑧之光輝對喬木
之隱而卽爲龍樹俯通波之枯壘聊當猴池雖則事畢
功口然恐山移海變須垂不朽敢作銘云

前代後代非一代
前身後身非一身
芳精進禮拜得

超界芳歸依念因能出塵
芳迴向功德生淨域心

緒清勤離苦津長遊滿^④之壘永挹飛而之人

佛弟子馮善廓

妻王

弟善宏

妻樂

弟善慶

妻張

姊二

娘

姊四娘

孫男嘉會知口知恩孫女金如要如

要好要月伍娘阿六八兒九娘十娘

先亡姊大娘

三娘五娘及見存兒女等

釋元楷等一心供養

其文甚工字亦有姿致惟寫美爲菱纏爲縲丙寅爲景演不朽爲不朽皆異文此碑新出故金石家多未

著錄也碑中有龕刻石像字在四圍

中州金石錄

右馮善廓浮圖銘月日用大壹貳字它碑所罕有碑

書夫人沈氏卽沈字今俗浮沉字多作沉欲與沈姓
之沈示區別蓋失之矣文云陰魄陽魂如風似燭按
古詩百年未幾時儼若風吹燭陸倕思田賦感風燭
與石火嗟民生其若寄庾信傷心賦一朝風燭萬古
埃塵唐汝南周君墓志亦云風前失燭知此語相傳
久矣

潛研堂金
石文跋尾

按碑云大周萬歲通天二年歲次景申肆月景濱
朔拾肆日己卯萬歲通天二年是丁酉歲非丙申
是年九月改元神功故四月尙是萬歲通天二年

據通鑑目錄丙申歲三月壬寅朔五月辛丑朔則

四月是壬申朔惟丁酉歲三月丁酉朔五月丙申朔則四月正是丙寅朔碑作景申歲者誤也

杳冥君銘

此碑從喪本錄出高廣行字無攷正書

鳳閣舍人河東薛稷爲文并書丹

悠悠洛邑眇眇伊墀屢移寒暑頻經歲年丹壑幾變陵谷俄遷不覩碑碣空悼蘿煙其時代攸從寧窮姓氏匪

辨口口誰分朱紫翠墳全缺麤扃亦毀久歇火風矣歸

壘水其靈跡難訪莫知其狀彷彿空臺依稀泉帳草積

丘壠松高巖嶂乃眷幽途彌增悲愴其于彼兆域是生

荆棘松劍猶存榆錢可識覽物流口口口太息欲致禮
於營魂聊寄言於翰墨

大唐神功元年丁酉歲十月一日

右唐杳冥君銘鳳閣舍人薛稷撰并正書此銘集古

錄不載歐陽公蓋未之見趙氏金石錄雖列其目而

云無書誤人姓名則亦不知其爲稷也 銘文但云

悠悠洛邑眇眇伊壘又云靈跡難訪莫知其狀則稷

未嘗真知墓地蓋汎然而銘之耳後讀陳子昂集見

其冥冥君墳記云皇帝因登緱山望少室尋古靈迹

得王子晉之遺墟在永水之層曲欲開石室營壽宮

庀徒方興得古藏焉內有甃瓦長二丈二尺闊八尺
中有古劍一銅椀一瓦器二又有古五銖錢朱漆片
及棖撥之應手灰滅卽具物備容還定舊壙哀其銘
志磨滅姓名不顯乃錫之名曰冥冥君云觀子昂文
則墳嘗發於武氏揜而錫之以名亦武氏也夫以殘
酷不仁之人而能爲此此固死者之幸但稷曰杳冥

此曰冥冥蓋杳冥冥無二義也

金薤
琳瑯

按杳冥君銘董文敏戲鴻堂帖載之銘詞末題大周
神功元暉丁酉歲拾伍壹②鳳閣舍生河東薛稷爲
文并書丹金石錄云無書撰人姓名似未覩此記也

中州金
石攷

按金薤琳瑯引陳子昂冥冥君墳記云云据下卷
昇仙太子碑所云方依福地肇啓仙居開廟後之
新基獲藏中之古劔正指此事與陳記合蓋因建
昇仙廟開基掘得古藏不知誰氏目爲杳冥君而
作是銘也武后以萬歲通天二年九月壬寅改元
神功是月甲午朔壬寅是初九日此碑立于改元
後二十三日也碑前題鳳閣舍人河東薛稷爲文
并書丹新唐書傅稷字嗣通道衡曾孫擢進士第
累遷禮部郎中中書舍人睿宗踐阼遷太常少卿

封晉國公累遷黃門侍郎參知機務罷爲左散騎

常侍歷太子少保禮部尙書舊唐書畧同皆無鳳

閣舍人之文據唐六典光宅二年改中書爲鳳閣

新唐書百官志作元年按光宅無二年是年正月丁未改元垂拱六典誤也神龍元年

復舊其屬有舍人六人傳載稷之官中書舍人在

睿宗踐阼以前正是武后時此碑書於神功元年

在垂拱之後神龍之前正當作鳳閣舍人碑爲可

徵傳云中書舍人誤仍舊名也稷善書畫歷代名

畫記稱其善人物雜畫畫鶴知名朱景元唐朝名

畫錄載秘書省有畫鶴時號一絕曾旅游新安郡

遇李白因相留請書西安寺額兼畫西方佛一壁
杜少陵有詩云又揮西方變發地扶屋椽其書在
當時與歐虞褚並稱四家兩唐書傳皆稱稷外祖
魏徵家富圖籍多虞褚舊跡稷銳精摹倣筆態迥
麗張懷瓘書斷稱稷書學褚公綺麗媚好可謂河
南之高足少陵詩又云少保有傑作得之郊陝篇
其爲時所珍如此而今碑本流傳者僅見于此而

已

王仁求碑

碑連額高八尺四寸廣四尺五寸七分三十四行行
五十一字額題大周故河東州刺史之碑十字並正

書在雲南
安寧州

唐朝故使持節河東州輔軍事河東州刺史上護軍王

府君碑銘

并序

成都閭丘均文古長子雲麾將軍行左鷹揚衛翊府

中郎將使持節河東州諸軍事兼河東州刺史上輕

車都尉新昌縣開國子公士王善寶自書

夫神有所服謂之威名有所宗謂之德威非大者則不

能以率服德非厚者則不能以獨宗是故靈鳳口絕於

雲氣口從衆鳥猛虎眈踞於山林震口百獸豈其締飾

毛羽以求嘉口之殊磨利爪牙以取雄羣之勢蓋云材

力所素出口象所自全固其然也抑聞赭之明珠多從
於西域異物奇玩必致於南州期於服用口口充光內
府十金是資萬乘爲器者何必顧口墮而口口黜幽荒
而靡錄哉君諱仁求安寧郡人也其胄出於太原

因遷播而在焉十有餘世氏族之系肇命王子口口之
美稱高汾晉口品節義氣相續於家風口代口口歷
書於史筆故知今古口口其口昔有夏之衰棄稷不務
至乎不甯用失其官自竄於戎狄之間莫思於先君之
業守以敦篤奉以忠信口世口口不忝前人擬之其倫
庶以匹合口口有矚所居必口而太伯逃吳文身之風

既習少卿降虜羈莫之化無違夫豈□□□□□□
□事有與適安土恒□其宜時□可從□禮必同其欲
祖□□漏隨別駕幹具英爽風□軒邁鷹揚推於顯化
驥足整於長途□□□□隨大都督身日律度材□梓
漆劉廙望賢於十部陶侃榮重於八州君遇行運之秀
德膺鬼神之靈會道與其□而□乃聰□在懷□寶
□目謂海蓋廣土量□澹而□□謂山蓋高□容隆□
而難仰智則有達明則能通推可而斯行擇善而□動
不事於所欲不爲於所求□□所以久恃貞果所以立
□□□多其信行州里高其義聲大略觀書知風聽樂

擊劔盡騰援之術□□□歛羽之妙可以往□尔事臣
飾有邦故王制輔成以□貢賦至于五千里州十二師
外薄四海咸建五長君有運理羣物之才□□保邊裔
之略無待累次直綜□□□出口使持節河東州諸軍事
河東州刺史加上護軍由乎大翼負風凌而地以絕奮
巨鱗激水期□□而一口若乃訓以生聚之方開其資
財之道顓川澤之利□山林之饒內足以養老盡孝外
足以事上供稅力役齊平教化清靜通其變使人不倦
愛其費使人以時賞及馬牛恩肥土□庶心咸服冀俗
□歸□未能大革情性均之雅俗□□一變風聲□□

賢吏矣。廩口將求寵於大因以和其民人招慰奏置姚
府已西廿餘州俾睦口德口前漢六代外事四夷開夜
郎之道綏哀牢之口口口口聲化率流既處於僻界
荒垂不能爲中國輕重時復廢棄但云羈縻君以堊形
平衍生殖豐阜口延企而口思宜郡縣以口事口乎唐
運實口其勤孰與使者唐口疆略南塞轉粟深於驚恐
發卒至於殘傷可同^乙論哉然貪戾君長負遠放命灾
我城邑延口平人口口州刺史蒙口實治其亂咸亨之
歲犬羊大擾梟將失律元兇莫懲君武口口口義以憤
惋口犀口以奮擊驅虎口而先口口口猖狂之種殲厥

通口之師退垠是賴到于今而克寧勲在王室藏於盟
府則侯子綺吾破虜截級中囡蒙其惠帝王口其身口
口口山巖口所謂口密無形爲計口主堅強不變爲囡
口口者已嗚呼口日故矣誰留於變化梁其壞乎已非
於疇昔璧賢皆死而道謂口口咸亨五季八^⑤十五^⑥
寢疾而終春秋卅四長子雲麾將軍行左鷹揚衛翊府
中郎將使持節河東州諸軍事河東州刺史上輕車都
尉新昌縣開囡子公士善寶炳靈滇水口神禺山端儼
有望簡貴不雜音儀朗乎秋^⑦詞令潤乎春雲如蘭之
精猶金之利能口能惠不思不尅誠立無易於暗昏言

出必應於遠邇故能保世滋大昭前之光鳴將驚人飛
而食口張博望收虜於屬國魏獻子受口口和我功熙
亮采臧庀中外雖則符守方鎮恒以宿衛京都至於朝
庭班爵之儀彝倫上下之序樂懸禮物之數軍麾因憲
之容莫不口懷習襟流入骨髓乃感念追遠永言孝思
汚隆適從無所失道口口兼有執而能脩張於神明之
器附於系衾之物崇其封塋設口口口鬱鬱潤澤白虎
之候可占洪洪博平雄龍之象終吉故其土性惇質有
如上代安錯儀軌弗踐終經聞斯行諸宜我告始則知
口口合葬自周公而乃來古不高墳傳孔丘而其立固

率而作者聊使於事業迹而用者遂成於典謨夫身已
沒而名不盡世彌久而功愈劭凡百口垢託乎鐫紀一
口至行二美具存愛之斯錄之矣敬之斯盡其道焉銘
曰

先王疆理其義賓睦小國附庸罔弗祗服聖人在位羣
生蒙福寔育口賢爲之司牧翼翼夫子守終純口振鱗
洪波驤首而路口口郡道名攜欵慕平此兇驕掃茲氛
露高烈時暢懋賞惟嘉敦愛種落輔助邦家嘗聞仁善
享壽宜遐口口不續賣鳥嗟嗟先以遠安其宅兆墓

門將閑陰堂不曉口口隴煙哀悽山草行人墮淚空見

銘表

聖歷元季岳匹拾柒②葬其季拾區拾②立

右河東州刺史王仁求碑同年王述庵侍郎任雲南
方伯時所贈向來收藏金石家皆未著錄其額云大
周故河東州刺史之碑而題稱唐朝故使持節河東
州諸軍事河東州刺史上護軍王府君碑銘者仁求
卒于高宗朝其長子善寶襲職至武后聖歷元年始
爲樹碑相距已二十五年仁求固唐臣非周臣也攷
河東州本唐羈縻州隸黎州都督府史但言開元前
置據此碑知高宗朝已有是州矣仁求卒於咸亨五

金石錄卷之二十二
年八月十五日是月改元上元未改號以前仍稱咸
亨碑刻紀年之例如此明史稿昆陽州唐置河東等
州沒於南詔元置昆陽州其所領三泊縣北有河東
故城今三泊縣亦省入州矣善寶出於蠻夷而書法
淳古可愛當是華人游其幕者代爲之耳

潛研堂金
石文跋尾

按善寶見舊唐書張柬之傳垂拱四年蠻郎將王善
寶昆州刺史顯乾福又請置州奏言所有課稅自出
姚府管內蓋于其父仁求舊官所區置若此仁求以
碑稱安寧郡人其先出於太原因遷居而在焉蒞官
之地云招慰奏置姚府已西廿餘州又開夜郎之道

綏哀牢之口問罪荒垂口能爲中國輕重時復廢棄
但口羈縻舊唐書地理志姚州武德四年置在姚府
舊城北百餘步安撫大使李英以此州內人多姓姚
故置姚州管二十二州元和郡縣志姚州本漢雲南
縣之地武德四年安撫大使李英以此中人多姓姚
故置姚州爲瀘南之巨屏碑云招慰奏置卽指安撫
李英也姚府已西廿餘州志稱二十二州數亦相符
惟碑額河東州之名志言黎州統制五十四州有河
東州皆徼外生獠無州羈縻碑謂問罪荒垂及云時
復廢棄但口羈縻則是仁求于河東州克復其地亦

已屬之羈縻故爲此州刺史矣若志所指皆徼外生
獠者疑不盡然碑稱貪戾君口負遠方命口我城邑
州刺史蒙儉實始其口咸亨之際大羊大擾裊將失
律羣兇莫懲君以奮擊殲厥逋誅之師吐蕃傳咸亨
元年四月詔以右威衛大將軍薛仁貴爲邏婆道行
軍大總管左衛員外大將軍阿史那道真右衛將軍
郭待封爲副率衆十餘萬以討之軍至大非川爲吐
蕃大將論欽陵所敗仁貴等並坐除名碑言裊將失
律謂此也吐蕃與南詔蠻壤接仁求或以舊官于姚
府而按師防邊得制其逃逸固宜有此然不得附傳

于史有漏也碑額稱大周河東州刺史碑身又題唐
朝故使持節河東州諸軍事河東州刺史上護軍蓋
仁求之歿在咸亨五年八月故稱唐官以終及立碑
已當武后改號故復題爲大周今以碑所書則天僞
制字最多知其立石於武后時也拓本爲青浦王少
司寇所贈遠地邊徼石刻罕能搜剔予故珍惜書之

授堂金
石跋

按此碑從未經人推拓諸家金石書皆未著錄昶
官滇藩時閱省志見唐刺史王公仁求墓在廢三
泊縣南二十里三泊縣元置明存今廢併入昆陽

縣屬安寧州北距省城二百餘里州城南葱蒙卧
山卽墓所在上有碑銘墓廢久碑尙存志載仁求
事蹟僅稱其漢夷悅服而已因屬太和知縣杜君
鈞使善拓者拓之於是始得其大略碑云咸亨之
歲犬羊大擾梟將失律元兇莫懲舊書高宗紀咸
亨三年正月辛丑發梁益等二十八州兵募五千
三百人遣右衛副率梁積壽往姚州擊叛蠻新書
則云姚州蠻寇邊太子右衛副率梁積壽爲姚州
道行軍總管以伐之其戡定之日本紀及南詔傳

皆失載証以碑當是薛仁貴敗績仁求佐梁積壽

削平之河東州唐書地理志隸黎州都督府惟安
寧稱郡史志失之僅有安寧縣屬昆州隸戎州都
督府未知卽仁求里貫否也唐制左右衛上將軍
缺以中郎將代光宅元年改左右侍衛曰左右鷹
揚善寶嗣官正祖武后時故碑亦用其所改字而
結銜書內官者以嘗宿衛京師故也昶因碑以得
其墓令知州董君傑修之且求其後人還諸墓田
之被侵者于是其裔孫沛元等請立石以記夫滇
南自漢建元間開西南夷通牂牁江後如爨習李
恢之徒屢見於史若仁求奏置姚府巴西廿餘州

金石錄卷之二十一
又以地形平衍生殖豐阜謂羈縻廢棄之地宜置
郡縣故南詔之見於傳者實自高宗年始其功甚
偉且碑係善寶自書字畫古勁蓋洊被華風有足
嘉者既爲文以表其墓因拓其舊碑多翻徧遺諸
同好共鑒藏之

潘尊師碣

裝本高廣尺寸行字皆不計
隸書在登封嵩山老君洞

唐默僊中岳體元先生太中大夫潘尊師碣文

并序

雍州司功王適撰序

弟子中巖道士獬鬄齋篆書

古稱列仙自黃帝尙矣或解形默遜或練氣昭升然業
與代殊古將今遠聞之者不見見之者不留世勸以局
守增疑神人以密化爲貴故其道彌大其議彌乖非理
契冥通精存麤覽者不可得而論已尊師趙國贊皇青
山里人也族潘氏名師岳字子真唐嵩山上清之鑿真
者也尊師體元和之精含太素之氣誕彌之夕景光充
廬客曰此天階之祥非世貴者旣而生有僊骨幼無童
心足蹈龜文手垂過膝風儀盅秀操履幽貞垂十二通
春秋及禮見黃老之旨薄儒墨之言白雲在天心已遐
奪十三喪母氏攀墳栢以泣血伏塚廬而摧心緬惟大

孝嚴天非負土之義慎終崇德實致福之基大業去季
同手謝俗居金丹之術祈玉清之臺却粒而練飢嚮菁
以虛藏身外無影骨間有聲時升麤真人王君屍在茅
山山有華陽洞天羣僊之府乃負笈潛往結草幽屍受
祕錄於金壇奉麤文於石室王君以尊師名著紫簡業
盛黃丘指以所屍告歸中苦於是竭來止罔賁趾中經
漱陰真之雙泉庇陽崖於三室寢冥孤宿垂將十季以
其樵歌尙通隱跡或至歷羣巖以選勝窮絕界而擇幽
得逍遙谷者有古僊之跡雄峯晃腹抗升天之階牝谷
空冢洞入冥之路於是口林石結茅構燒楓栢而戒蟬

練松朮以存精志逸翔雲神合浩氣吞沆瀣以龜息吸
禱皇以龍盤青古不留丹田已見冥寂五紀邈與代殊
想望三清悠然景會上元三季

天皇大帝幸洛

都瞻嵩阜謁三元之洞徵六甲之圖尊師以道有所申
貴有所屈竟不屑命對以無爲後季巡撫許京屬想太
室願言霄極佇降雲輅師仍爰几謝以幽疾至調露元
祀^甲惟孟寔

天子廼叩運堯心夙整軒御萬騎

雲躍六龍天飛清碧瑤之壇訪皇人之道會師於嵩陽
觀焉時

天開金輪聖神皇帝潛光寶緯佐理瑤

房淡祈絳闕之遊遙契紫元之妙霓裝羽從齋心致謁

既而

皇眷靡歎青谿尚淡乃稅瀟駕尋麤時風

伯埤壑雨師空巖④⑤按晷以流光○辰環拱而列曜
拚紫蘭以承玉輦闢丹桂而交翠旗天步穆清雲尻攸
止鴻崖絕以抗室交松森而環階藥銚絕煙無若火化
林屏擁霧有同巢尻 天皇乃幸結茅御蟠木訪

天人之際宄性命之元欣然順風歎以頽景睿情遐佇
欲罷不能爰 制有司就師立觀卽於逍遙爰谷建墜

唐焉神皇雅尚僊圖永懷祕訣每洒心咨道探蹟求真
希步景於青元想餐霞於紫府嘗致書曰九宮神祕願
已通其大綱太一紫房猶未解其淡旨尊師微言壺峇

祕世莫聞明季仲春 上又以乘輿步輦致師於洛城

亂宮經畢圭之禁林造上陽之僊閣龍香竟路羽蓋駢

陰 天子側席齋宮虛衿宣室是②八風激景五

雲卿靄萬姓躊躇以聳矚百神翕習而發幽真與璽冥
顯與晦接逃聽千古斯其一交者矣尋而瑞節言旋攀

石梁之幽阻神番動息賦瑤池之浩歌遷延永懷恣而

不及乃降 制命以嵩陽觀爲奉天宮苑接璽唐堊鄰

爰谷左闢僊遊之路右扃尋真之門丹陛亘於雲扃紫

微通於煙幌 大帝於是排閭闔弛鉤轡超巉巖御嶙

峴併中侍肅外思若忘天下窅然踰旬後重復降師於

金闕亭問三洞之階稽七真之祕 神皇親饌金鼎而

獻玉厨五芝雲敷八桂霜靡允執天師之禮以旌問道
之勤又以功德事咨祈景福乃於太子甲弟建廳道之
壇老君壽宮立廳元之觀二名稟於師口雙榜題於

帝筆有制屈德遙統其綱將以光振王司慶渥瓊府

上乃降雲罕奉觀風命百寮敞九部衣冠趨而銅路

咽鐘鼓峯而天津沸龍旗鶴蓋紛以揮霍僊童靈妃忽

其倏閃翌曳聲散景滅若屆殊庭^⑤曙煙飛已尋幽谷

斯亦上九不疑之遂反一無跡之行焉其後 乘輿屢

陟山宮必瞰襲聖之問尊師深視絕景不降河宗之只

雖甫對雲霓類蓬壺之悅忽而塵通寢寐若肯庭之紫
蠶永漳元車缶①乙未崇翰風霽乙亥雲滅忽而有聞
若萬籟聚徐而聽之則五音餘非太常之樂聲卽塵都
之僊韻中使具以狀聞 帝曰潘尊師其升乎卽②駕
幸奉天上謁虛室帝子扈蹕玉姬陪輦暨于塞峯戢景
盱谷生陰黃竹申悲丘陵有贈尋而 高宗歎世乘復
白雲我師寧極獨守塵牝後季憂一③謂弟子曰吾
獲保茲嶺于今五十餘年靈異在谷饌鶴滿野俾吾不
接萬乘之尊亦庶幾乎輕舉谷今名登塵錄身歷太陰
升塵之言信吾命也是朔之夕辰爲麗天鹿鳴羣山雉

唯衆谷翌②師曰吾其蛻矣乃闔門入靜端坐焚香③
至于望④臨于甲命香水投青符浴蘭房報紫褐曰反
吾澣令亭午將化留此十旬歸吾石室乃遺形爰景濟
神幽統于時紫氣氤氳以易燭紅雲蕭索而上延郁行
芳藻流晷煙靄之表若有人焉 聖神皇帝聞而興感
乃降寶命式謚松扁曰去乘崧晚軒皇之駕不追今歲
秋園廣成之尻又宗以此哀悼情何可任贈太中大夫
追謚曰體麤先生昭園禮也尊師亦尙崇密勤茲幽深
理心事天所寶唯齋絕聖棄謔不耀其光故真感冥期
珍圖祕學性與天道不可得而聞也若乃崇櫻曠迹遐

情遠意志摩青雲蓬視紫闥每歎曰大丈夫業於道不
能投身霄嶺滅景雲林而痕痾此山以煩世主吾之過
乎遂欲東求蓬萊孤舟入海屬 天皇敦篤斯道祈歎
逾溪遲躄山隅絕策未往旣而金格有命鑣轡遺區於
戲昔姑聆有神人堯輕天下空嗣有至道軒屈順風靡
真高蹤萬古同德何其盛哉尊師有弟子十人竝僊階
之秀然鸞姿鳳骨眇悉雲松者唯潁川韓法昭皆稟訓
瑤庭密受瓊室專太清之業遺下僊之儔谷汲芝耕服
勤於我蓋歷歲紀也昭等永惟尊師靈迹洞業高溪邁
古而棄世往矣其若之何乃琢石幽山申頌顯德其頌

曰

黃帝得道白②登天矣松度世紫岳乘煙業祕千古精

淪九僊真蹤誰嗣猗吾體麤

基

體麤維何僊骨天植冲

而神秀幼有至德雲性鳴鶯冥心龜息麤風獨邁白賁

無飾

基

金陵福堊茅山洞天高真靈景終古貞全寥寥

太素眇眇升麤惟我師友負笈往焉

基

始受玉書卽入

瓊室機先體二道惟得一學備青台化窮丹術餐霞丸

奔抱景期畢

基

麤真有命黃丘是理煙霞來歸雲林萃

止葆光藏密冥機畏美岷嶽與尻象网而已

基

有唐天

子樂我雲僊芝駕羽蓋蜺旌鳳旗齋心來謁契道忘筌

瑤池一去鼎化千季其煌煌女希繼天而立黑龍既濟

丹鳳攸集宗我仁師緬懷真級紫房問道青元廼習其

顯功聿就洞業克成青童肅謁絳虬來迎揮神默解口

升霄行去去金闕悠悠玉清其巖幽碧洞峯秀金臺少

君斯舉青子時來貞松雲鬱虛室霞開永言千肅歸鶴

徘徊其大周壁廡二重太歲己亥二匹八其建立

大周壁廡二重太歲己亥二匹八其建立

今在嵩山老君洞南題云弟子中巖道士嶽馬蘭系

書按唐隱逸傳司馬承禎字子微事潘師正書傳辟

穀導引術無不通師正異之曰我得陶隱居正一法

遶而四世矣則此碑稱弟子者司馬承禎也廣韻猷
亦司字老君洞卽唐之逍遙谷潘師正傳云居逍遙
谷高宗詔卽其廬作崇唐觀及營奉天宮又勅直逍
遙谷作門曰仙游北曰尋真

金石文
字記

碑立承天宮前原隸書書人泐其名按師正弟子司
馬承禎褐爲承禎書無疑用筆稍肥然姿致適媚文
亦清麗可誦

說
嵩

題云弟子中巖道士猷馬禰彖書寶刻類編有此碑
云司馬子缺葢不識微字也顧炎武又疑子微爲承
禎字劉昫唐書隱逸傳略云潘師正大業中度爲道

士師事王遠知居於嵩山之逍遙谷高宗與天后甚
尊敬之尋勅所司於師正所居造崇唐觀嶺山別起
精思觀以處之以永淳元年卒贈太中大夫賜謚曰
體元先生多與碑合隱逸傳又云道士司馬承禎字
子微頗善篆隸書元宗令以三體寫老子經續仙傳
云承禎攻篆迴爲一體號金剪刀書按獄字見說文
云司空也復說獄司空此以爲司假音字耳其以隸
篆爲子微字謬甚隸乃隸字之誤說文隸籀文子凶
有髮臂脛在几上也今寫从黃便失其義篆出郭忠
恕汗簡云爲微字出碧落文今寫作彖亦譌唐時所

謂工篆籀文類如此

中州金石記

按碑題弟子中巖道士司馬子微書新唐書隱逸

傳司馬承禎字子微洛州溫人事藩師正傳辟穀

道引術無不通師正異之曰我得陶隱居正一法

逮而四世矣因辭去徧遊名山廬天台不出武后

嘗召之未幾去舊書傳云承禎周晉州刺史琅邪

公裔元孫少好學薄于爲吏遂爲道士事潘師正

傳其符籙及辟穀導引服餌之術師正特賞異之

承禎止于天台山則天聞其名召至都降手勅以

讚美之及將還勅麟臺監李嶠餞之于洛橋之東

此碑立于聖歷二年殆卽武后自天台山召入都時
所書也又檢齊召南重訂天台山方外志要載唐
崔尙桐柏觀碑稱司馬承禎一名子微號天台白
雲子河內溫人晉宣帝弟太常道之後裔祖晟仕
隋爲親侍大都督父仁最唐興爲朝散大夫襄州
長史名賢之家奕代清德慶靈之地生此仙才鍊
師蘊廣成之德睿宗繼黃軒之明齋虛而求將利
國政侃侃然不可得而動也此文于武后召見事
略而不書而于承禎之先世較詳于史且不云承
禎字子微而曰一名子微與碑合又攷雲笈七籤

載中嶽體元潘先生名師正趙州贊皇人喪母廬
墓以至孝聞真氣內融輝光外發隋大業中入道
王仙伯盡以隱訣及得符籙相授栖于太室逍遙
谷積二十年但嚼松葉飲水而已高宗皇帝每降
鑿輦親詣精廬先生身不下堂接手而已及問所
須荅言松樹清泉山中不乏帝與武后其尊敬之
爾連信宿而返尋勅于所居造崇唐觀碑作隆唐觀此似避

元宗

諱改嶺上別起精思院以處之勅置奉天宮令於

逍遙谷口特開一門號曰仙遊門復於苑北面置

尋真門太常奏仙樂以祈仙望仙翹仙爲曲皆謂

先生名焉前後賜詩五百首永淳元年告化時年
八十九贈太中大夫謚曰體元先生弟子十八人
有韋法昭司馬子微郭崇真此語可廣碑所未備
又有王屋山貞一司馬先生卽司馬子微所載事
蹟與桐柏觀碑語同惟云傳授正法至汝六葉與
舊史及桐柏碑作四世者異

書裏又融融翰中四世淳興

魏興所融融翰中漸至書對五世至好六兼興

又許正星山貞一行書決坐僧匡觀千端何道惠

百草宋即何湖千洲碑崇興北歸河觀觀似未滿

八十七世木中大夫歸自歸示決坐敬年十八八

金石萃編卷六十二終

金石萃編卷六十三

賜進士出身 誥授光祿大夫刑部右侍郎加七級王昶撰

唐二十三

昇仙太子碑

碑連額高一丈七尺四寸廣六尺五寸三十三行每
行六十六字行書飛白額題昇仙太子之碑六字在
儼師縣緱山仙君廟

昇仙太子碑并序

大周天冊金輪聖神皇帝御製 御書

朕聞天地權輿混靈黃於元氣陰陽草昧徵造化於洪

鑪萬品於是資生三才以之肇建然則春榮秋落四時

變寒暑之機玉兔金烏兩曜遞行藏之運是以乾坤至

大不能無傾缺之形②匪至明不能免盈虧之數豈若

混成爲質先二儀以開元兆道標名母萬物而爲稱惟

况惟惚窈冥超言象之端無去無來窾廓出寰區之外

騷鸞馭鳳昇八景而戲仙庭駕匪乘雲驅百靈而朝

上帝靈都迥闕玉京爲不死之鄉紫府傍開金闕乃長

生之壘吸朝霞而飲甘露控白鹿而化青龍魚腹神符

已効徵於涓子管中靈藥方演術於封君從壺公而見

玉堂召盧敖而赴讎闕炎皇少女剩往仙家負局先生

來過吳市或非煙而長往或御風而不旋旣化飯以成

蜂亦變枯而生葉費長房之縮壘日覽遐荒趙簡子之
寶天親聆廣樂懷中設饌標許彥之奇方座上釣魚呈
左慈之妙技遙昇閻道遠睇平衢鼓琴瑟而駕輜軿出
西關而遊北海口崐崙而一息期汗漫於九垓湘東遺
烏跡之書濟北致魚山之會拂虹旌於④路飛羽蓋於
煙郊旣入無窮之門遂遊無極之野青虬吐甲爰披五
岳之文丹鳳銜符式受三皇之訣瀨鄉九井漾德水而
澄漪淮南八仙著真圖而闡秘自非天姿拔俗靈骨超
凡豈能訪金籙於麤門尋玉皇於碧落者矣昇仙太子
者字子喬周靈王之太子也原夫補而益壘之崇基三

分有二之洪業 神宗啓胃先口履帝之祥 聖考典

源幼表靈頤之相白魚標於瑞典赤雀降於禎符屈升
譽於三窮錫陟曠以四馬穀洛之闕嚴父申欲壅之規
而匡救之誠仙儲切犯顏之諫播惠子之懿範歌圖史
之芳聲而靈應難窺冥徵罕測紫雲爲蓋見嘉貺於張
陵白蜺成質遺神仙於崔子鳳笙流響恒居伊洛之間
鶴駕騰鑣俄陟神仙之路嵩高嶺上雖藉浮丘之迎緜
氏峯前終待桓良之告傍稽素篆仰叩靈經時將玉帝

之遊乍洽琳宮之宴仙冠岌岌表嘉稱於芙蓉右弼巍

巍効靈官於桐柏九丹可挹仍標延壽之誠千載方傳

尙紀仙王之祀辭青宮而歸九府弃蒼震而慕重靈無
勞羽翼之功坐致雲霄之賞雖黃庭衆聖未接於末座
紫洞羣靈豈賒於後乘斯乃騰芳万古擅美千齡豈与
夫松子陶公同年而語者也我因家先天纂業闢坐裁
基岬八柱於乾綱紐四維於坤載山鳴鸞鷲爰彰受命
之祥洛出圖書式北興王之運廓提封於百億聲教洽
於無垠被岬朔於三千文軌同於有截茫茫宇宙掩沙
界以疏壇眇眇寰區籠織圍而劃境坐明堂以崇嚴
祀大禮攸陳謁清廟而展因心洪規更闡文山西峙
上聳於圓清武井東流下凝於方濁駢柯連理恒騁異

於彤墀九穗兩岐每呈祥於翠畝神芝吐秀宛成輪蓋
之形靈草抽英還司朔望之候山車澤馬充仞於郊畿

瑞表祥圖洋溢於中外 乾坤交泰陰陽和而風雨調

遠肅還安兵戈戢而燿烽靜西鷄東鯨已告太平之符

鄙黍江茅屢薦昇中之應而王公卿士百辟羣僚咸詣

闕以披誠請登封而告禪敬陳 嚴配之典用展禋宗

之儀泥金而叶於告成座玉而騰於茂實千齡盛禮一

旦咸申爾乃鳳輦排虛旣造雲霞之路龍旗拂迴方馳

② 匝之局後殿崇山先鋒蔽野千乘萬騎鈎陳拍靈岳

之前谷窺川停羽駕陟仙壇之所旣而馳情煙路係相

驪門途臨松竅之前近瞰桂巖之下重巒絕磴空畱落
景之暉復廟連蕢徒見浮雲之影山扉半毀纔觀昔年
之規礎曠全傾更創今辰之製乃爲子晉重立廟焉仍
改號爲昇仙太子之廟方依福壘肇啓仙居闢廟後之
新基獲藏中之古劍昆吾挺質巨闕標名白虹將紫電
爭鋒飛景其流○競彩去夜驚而除衆毒輕百戶而却
三軍空勞望氣之巫自遇象天之寶巖巖石室紀黃老
五千之文赫赫靈壇披碧洞三元之綠爰於去歲當遣
內史往祠雖至祇有路隔之言而冥契著潛通之兆遂
於此○頻感殊禎迢遰雲間聞鳳笙之度響徘徊空裏

瞻鶴駕之來儀瑞氣氤氳異香芬馥頰承景睨目擊休
 徵爾其近對巖岑遙隣嵩嶺變維城之往廟建儲后之
 今祠窮工匠之奇精傍臨絕壑建山川之體勢上冠雲
 電其壘則測景名都交風勝壤仰觀元緯○文當天室
 之邦俯矚黃輿壘理處均霜之境膏腴宇宙通百越之
 樓船穴險山原控八方之車騎危峯切漢德水橫川實
 天下之樞機極域中之壯觀於是捫危鑿趾越壑栽基
 命般爾而開筵召公輸而綴思梅梁瞰迥近架煙霞桂
 棟臨虛上連②匝窗明雲母將曙景而同暉戶挂琉璃

其晴天而合色曲閣乘九霄之表重檐架八景之中活

休水於天池發祥花於奇樹珠闕據緜峯之外瑤壇接
嵩嶠之隈素女乘雲窺步檐而不逮青童駕羽仰層檻
而何階茂躅鬱芳若生靈儀肅兮如在昔峴山墮淚猶
見鉅平之碑襄水沉波尚有當陽之碣况乎上賓天帝
搖山之風樂不歸下接浮丘洛浦之笙歌斯遠豈可使
芳猷懿躅與歲匝而推遷霞宇○壇其風煙而歇滅迺
刊碑勒頌用紀徽音庶億載而惟新齊兩儀而配久方
佇乘龍使者爲降還齡之符駕羽仙巫曲垂駐壽之藥
使璇璣叶度玉燭調時百穀喜於豐季兆庶安於泰俗
虔敷謨製乃作銘云

邈矣元始悠哉渾成傍該万類傾口三精至神不測大

象難名出入太素驅馳上清其黃庭仙室丹闕靈臺銀

宮雪合玉樹花開夕遊雲路朝挹霞杯霓旌鬚羽駕

徘徊其樹基創業遷朝立市四險天中三川聖紀白魚

呈睨丹鳥薦祉靈骨仙才芳猷不已其遐瞻帝係仰瞻

仙儲遙馳匪域高步煙墟名超紫府職邁玉虛飄颻芝

蓋容與雲車其遠集崑崙遙期汗漫金漿玉液霧宮霞

館瑤草扶踈珠林璀璨萬劫非久二儀何算其栖心大

道託跡長生三山可陟九轉方成鳧飛鳥影鳳引歌聲

水昇金闕恒遊玉京其青童素女浮丘赤松位稱桐栢

冠号芙蓉竦真御辯控鶴乘龍高排雲霧輕舉遐蹤其

歲往季移天長空久霄漢爲室煙霞作友舞鶴飛蓋歌

鸞送酒絕迹氛埃芳名不朽其粵我大周上膺靈命補

天立極重光昇聖嘉瑞屢臻殊祥疊映歸功蒼昊昇聞

表政其爰因展禮途接靈居季載超忽舊宇凋疎更安

珠敦重開玉虛方依翠壁敬勒丹書其新基建趾古劍

騰文鳳笙飛韻鶴駕凌雲休苻雜沓嘉瑞氤氲仙儀靡

見逸響空聞其仰聖思靈求真懷昔霞軒殿○宮霧

口萬歲須臾千齡朝夕紀盛德於芳翰勒鴻名於貞石

其

十二

聖曆二季歲次己亥六區甲申朔十九②壬寅建

碑陰

分三截上截刻御製遊仙篇及諸臣名中截刻鍾紹京等銜名三行及神龍二年題記并銜名下截附宋人題名並正書

雜言 遊仙篇

御製 奉宸大夫惠薛曜書

絳宮珠闕敞仙家
蜺裳羽旆自凌霞
碧落晨飄紫芝蓋
黃庭夕轉綵雲車
周旋宇宙殊非遠
寫望蓬壺停翠幔
千齡一③未言除億歲
嬰孩誰謂晚
透迤鳳舞時相向

變轉鸞歌引清唱
金漿旣取玉杯斟
玉酒還用金膏釀

駐迴遊而域排空聊憩息宿志慕三元翹心祈五色

仙儲本口諒難求聖迹奇術秘麤猷願口丹口賜靈藥方期久視御隆周

春官尚書檢校內史監修國史上柱國梁口思三思光祿大夫行內史上柱國邢國公惠王及善

中大夫守鳳閣侍郎同鳳閣鸞臺平章事上柱國思蘇味道

朝散大夫守鳳閣侍郎同鳳閣鸞臺平章事思魏元

忠

銀青光祿大夫守納言上柱國汝陽縣開國男思狄

仁傑

銀青光祿大夫守納言上柱國護國縣開國子忠婁師

德

銀青光祿大夫行鸞臺侍郎同鳳閣鸞臺平章事上

柱國鄭縣開國子楊再思

朝請大夫守而官侍郎同鳳閣鸞臺平章事左控鶴

內供奉惠吉頊

勅檢校勅碑使守鳳閣舍正右控鶴內供奉騎都尉

惠□□

題 御製及建辰并梁□三思已下名惠薛稷書

採石宮朝議郎行洛州來庭縣尉惠口峻
題諸口等名左春坊錄事直鳳閣惠鍾紹京書

平右在上截

承議郎行左春坊錄事直鳳閣惠鍾紹京奉勅勒

御書

冥議郎直司禮寺惠李元口勒 御書

惠卓口口

麟臺楷書令史惠口伯口刻字

右在中截左偏

直營繕監直司韓神感刻 御字

洛州永昌縣思朱羅門刻 御字

右在下截左偏

大唐神龍貳年歲次景午水捌月壬申金朔貳拾漆
日戊戌未開府儀同三司左千牛衛大將軍上柱國
安國相口旦奉 命 監 造
制刊碑刻石爲記

從官特進行尙書左僕射兼檢校安國相口府長史
平章軍國重事上柱國芮國公豆盧欽望

從官大中夫夫行安國相口府司馬護軍皇甫忠

朝散大夫守安國相口府諮議上柱國邢國公口溫

朝議大夫行安國相口府記室參軍事北掄
朝議郎行安國相口府文學韋利器
朝議大夫行安國相口府倉曹參軍辛道瑜
行安國相口府屬韋慎口

行安國相口府掾北知幾

行安國相口府典軍北琬

行安國相口府典軍衛日新

從安國相口品官行內侍省奚官局令引參目

安國相口品官行內侍省掖庭局令戴思恭

右在中截

京兆韋庇

右在下截中間

內物皆州國風令蹟

附宋鄧洵武題記

四行行七字八
九字不等正書

政和元年二月廿九日西京畱守鄧洵武率僚屬恭

謁

王子喬祠男雍侍行

右在下截右偏

右周昇仙太子碑武后撰并書昇仙太子者王子晉

也是時張易之昌宗兄弟方有寵諂諛者以昌宗爲

子晉後身故武后爲葺其祠親銘而書於其碑君臣

宣淫無耻類如此可發萬古之一笑也

金石錄

武墨滯橫千古而亦假借柔翰天之生才于彼何其
不靳也此文未必真出后手當是北門學士語碑首
昇仙太子之碑六大字飛白書作鳥形亦佳飛白書
久不傳于世此其僅存者耳

石墨鐫華

鄭氏金石畧云武后書唐書曰子晉祠武后改爲昇

仙太子廟隋唐佳話曰張昌宗之貴也武三思謂之

王子晉後身爲詩以贈之詩至今猶傳

說

長山太子

劉昫唐書本紀云聖歷二年二月戊子幸嵩山過王
子晉廟丙申幸緱山碑云千乘萬騎鉤陳拍靈岳之

前谷遂川淳羽駕陟仙壇之所又云乃爲子晉重立廟焉又改號爲昇仙太子之廟卽其事也通鑑云聖歷二年二月己丑太后幸嵩山過緱氏謁升仙太子廟據碑則子晉廟以六月改名史家不合二月卽稱之宜和書譜稱后初得晉王導十世孫方慶家藏書蹟摹搨把玩自此筆力益進其行書有丈夫氣今觀其草法極工有烏絲方格尙似章草及皇象書水經注云休水又東屈零星隴水流潛通重源又發側緱氏原開山圖謂之緱氏山也亦云仙者升焉言王子晉控鶴斯阜靈王望而不得近舉手謝而去具家得

遺屣俗謂之爲撫父堆堆上有子晉祠又案史記案
隱顧氏案裴秀冀川記云緱氏仙人廟者昔有玉喬
撻爲武陽人爲柏人令於此得仙非王子喬也則在
水經注之前未知何據神仙之記多近于無稽周書
王子晉解師曠謂王子火色不壽未及三年告死者
至緱氏周邑或子晉死所耳後人哀之謬云仙也

弔天后昇仙太子碑記及宋謝絳修大殿記碑多古

名人題咏俱燬於火

偃師縣志

億按此碑陰中截題名諸人多見史傳今攷之新唐
書亦時有漏誤狄仁傑封汝陽縣開國男傳僅言睿

宗又封梁國公舍前封爵不書此又字何所指耶是汝陽開國男宜依碑附書而傳不及爲非也楊再思再封鄭縣侯今碑陰乃作鄭縣開國子然則傳云侯亦誤也吉頊在宰相表久視二年三月甲戌頊始加左監鶴內供奉而頊侍武后從幸當聖歷二年碑陰已書此攷相王且刊碑刻石蓋於神龍二年故得續錄其官也豆盧欽望傳帝復位擢尙書左僕射中宗紀復位當神龍元年下書特進豆盧欽望爲尙書右僕射宰相表神龍元年欽望自特進爲右僕射紀表與傳書左者皆不符得碑陰證之竟作左僕射此

又紀表皆誤而傳爲獨得其實又碑云行內侍省掖
庭局令據百官志內侍省下其屬局六曰掖庭宮闈
奚官內僕內府內坊下並列宮闈局令奚官局令內
僕局令內府局令內坊局令不宜獨畧掖庭致其數
僅有五與前不符舊唐書有掖庭局令二人推之此
碑掖庭局令亦當時設官自宜如此而史或脫也

御製雜言遊仙詩億按全唐詩存武后詩四十六篇
此雜言獨缺載葢石搨尋搜不及故也錄之以備遺
覽又按曾子固跋襄州福學寺碑碑云鍾紹京書
其字畫妍媚道勁有法誠少與爲比然今所見特此

碑尚完今余証之此碑題名亦紹京書而幸完無缺
曾氏未之見也又碑陰諸臣列銜凡王字皆鐫去亦
由金海陵改定封爵置局立限毀抹王字雖墳基碑
志亦所不免而承事者遂波及於前代石刻是碑陰
亦當被厄是時矣

偃師金石
遺文記

按昇仙太子廟河南通志載之甚略卽偃師縣志
亦但云王子喬壇在緱氏保東南五里又云王子
晉祠在緱山上水經注撫父堆上有子晉祠或言
在九山非此世代已遠莫能辨之又云劉昫唐書

本紀聖歷二年二月戊子幸嵩山過王子晉廟丙

中幸緱山偃師志似以爲王子晉廟之見于史者
僅此也然舊史禮儀志云天册萬歲元年臘月甲
申親行登封之禮改元萬歲登封丁亥禪于少室
山己丑御朝觀壇朝羣臣則天以封禪日爲嵩岳
神祇所祐遂尊神岳天中王爲神岳天中皇帝靈
妃爲天中皇后夏后啓爲齊聖皇帝封啓母神爲
玉京太后少室阿姨神爲金闕夫人王子晉爲昇
仙太子別爲立廟蓋自丙申年奉勅建廟至聖歷
二年己亥歲廟成武后重幸因立此碑重幸在二
月立碑在六月也碑雖立于重幸之後而文所叙

鳳輦排虛龍旗拂迴千乘萬騎谷邃川停等語仍是登封時事非重幸也玩上文敬陳嚴配之典用展裡宗之儀皆是指登封也王子晉真誥云父周靈王有子三十八人子晉太子也是爲王子喬弟兄七人得道又列仙傳云王子晉見桓良曰告我家七月七日待我於緱氏山巔至時果乘白鶴駐山頭望之不得到拱手謝時人數日而去碑叙子晉語本此又据後漢書云王喬者河東人也顯宗世爲葉令喬有神術每月朔望常自縣詣臺朝帝

怪其來數而不見車騎密令伺望之言其臨至輒

有雙鳧從東南飛來於是候鳧至舉羅張之但得
一隻焉則四年中所賜尚書官屬履也或云此卽
古仙人王子喬此蓋別是一人後人以其祠墓在
葉縣同屬中州往往混而爲一因併識之緱嶺之
有撫父堆見太平寰宇記引盧元明嵩山記云覆
釜堆亦名撫父堆緱嶺也撫父堆上有子晉祠其
來已久武后葺而新之碑所謂山扉半毀纔覩昔
年之規澗曠全傾更創今辰之製者是也禮儀志
載昇仙太子廟與天中皇帝金闕夫人連類而及
皆所以報封禪日爲嵩岳神祇所祐也又或者以

武氏之先出自姬姓周平王少子生而有文在手
曰武遂以爲氏唐世尊崇神仙以老子爲得姓之
祖周家之昇仙者有子晉因而崇奉之玩碑云我
國家先天纂業闢地栽基山鳴鶯鶯爰彰受命之
祥洛出圖書式兆興王之運云云可證也其云方
依福地肇啓仙居開廟後之新基獲藏中之古劍
語似昉于真誥云王子喬墓在京陵戰國時復有
發其墓者唯見一劍在室人適欲取視忽飛入天
中也事頗相類蓋真誥言劍在墓室中此則言劍
在廟後新墓爲異耳至舊唐書云張昌宗是王子

晉後身乃令被羽衣吹簫乘木鶴奏樂于庭如于
晉乘空語見張行成族孫昌宗附傳係久視元年
以後事不可謂昇仙立廟因昌宗而作金石錄遽
加醜詆之詞亦過矣碑陰上刻武后御製雜言遊
仙篇五七相間用韻不一真雜言也而不著年月
玩末句有方期久視御隆周則似將有改元久視
之意當亦重過子晉廟時所作旁列諸臣銜名並
在碑陰上截內勅檢校勒碑使口口泐其姓名題
御製及建辰并梁口三思已下名爲薛稷書採石
官爲口峻泐其姓題諸口等名爲鍾紹京書所謂

檢校勒碑者當卽勒昇仙太子碑御製者指碑文
首行御製御書字建辰者指末行建碑年月字及
三思已下名皆薛稷書也採石官卽採此碑之石
者其題諸臣名是指中截所題從官豆盧欽望諸
人也而中截又有神龍二年相口且奉制刊碑刻
石爲記云云又有云鍾紹京奉勅勒御書李元口
勒御書口伯口刻字韓神感朱羅門刻御字此所
謂御書御字當卽是碑文之御書勒者二人謂摹
勒也刻者三人是刻字人也同一勒御書而鍾紹
京稱奉勅李元口不云奉勅同一刻字而口伯口

稱官稱臣而不云御字韓神威書官而不稱臣云
刻御字朱羅門稱臣而云洛州永昌縣是其里貫
非官也亦云刻御字皆體例之不一者中宗以神
龍元年正月復位至十一月太后崩不知何以二
年相玉旦有奉制刊碑刻石爲記之事豈此碑製
書在聖歷二年上石在神龍二年耶又三思等列
于上截不云從官豆盧欽望口温皆安國相王府
官列于中截而云從官邱悅以下又皆不云從官
何耶以兩唐傳校之三思以下諸人聖歷二年歷
官與碑同內如王及善婁師德卽以二年卒知不

在二年以後矣狄仁傑之爵汝陽縣開國男惟碑
有之兩傳皆失載楊再思舊傳云延載初守鸞臺
侍郎同鳳閣鸞臺平章事證聖初轉鳳閣侍郎依
前同平章事兼太子右庶子自宏農縣男累封至
鄭國公後又云中宗卽位封鄭國公新傳則云延
載初封鄭縣侯中宗立封宏農郡公改鄭國公兩
傳官爵皆與碑異吉頊新傳歷官與碑同舊傳則
在臘月官與碑同今碑立于六月結銜已如此矣
碑于吉頊之下一行云勅檢校勒碑使鳳閣舍人
右控鶴內供奉騎都尉臣泐其姓名二字據吉頊

傳云時易之昌宗諷則天置控鶴監官員則天以
易之爲控鶴監項素與易之兄弟親善遂引項與
殿中少監田歸道鳳閣舍人薛稷正諫大夫員半
千夏官侍郎李迥秀俱爲控鶴內供奉此碑闕姓
名二字當是薛稷官正鳳閣舍人與碑合其田歸
道等皆三字姓名與碑不合也又控鶴內供奉傳
不云分左右碑則吉頊爲左薛稷爲右也薛稷旣
充檢校勒碑使又題御製建辰及三思已下名一
人兩見猶下文鍾紹京旣題諸口等名又勒御書
亦一人兩見同例也鍾紹京兩傳皆云初爲司農

錄事以工書直鳳閣碑則云左春坊錄事互異也
相王旦題銜據本紀云中宗自房州還復爲皇太
子武后封皇嗣爲相王授太子右衛率累遷右羽
林衛大將軍并州牧安北大都護諸道元帥中宗
復位進號安國相王與碑不同此下諸人皆安國
相王府從官惟豆盧欽望邱悅有傳餘俱無攷豆
盧歷官在神龍二年傳與碑同邱悅附見員半千
傳新書云半千與悅同爲宏文館直學士舊傳則
云景龍中爲相王府掾與碑不合

渭南令李府君殘碑

碑連額高九尺二寸五分廣四尺六寸二十八行行
五十六字爲元人磨滅刻也先帖木兒等題名矣茲
就所可辨識者五十餘言錄之正書額題大
周渭南令李府君碑九字篆書在渭南縣

大口□□□□縣令李府□碑銘并序

□□□□□□□□□□吉甫撰

上闕茲邑葢蒼匪矣下闕之恩下闕毀瘠過下闕之秩滿下闕裒

服下闕鵲不下闕由是行下闕矣下闕循吏於東下闕增下闕寒鵬路

下闕以下闕於皇下闕行下闕殊下闕滿下闕口下闕時求芳下闕口昭下闕

光被六幽下闕口下闕墜下闕口下闕口下闕十匪下闕二下闕公下闕

附錄元也先帖木兒等題名九行從碑正中起左行

承事郎奉元路渭南縣達魯花赤兼管本縣諸軍奧

魯勸農事也先帖木兒

從仕郎奉元路渭南縣尹兼管本縣諸軍與魯勸農事趙那孩

進義副尉奉元路渭南縣主簿顏允忠

奉元路渭南縣尉 峯律不花

渭南縣典史 山森

司吏 王珍

韓允

郭舜

徐維忠

右鴻州渭南縣令李君清德碑馬吉甫撰按唐書則

云天授二年析雍州之渭南慶山置鴻門縣遂以慶

山鴻門渭南高陵櫟陽置鴻州大足二年廢集古錄

此碑為元人翻摹泰寧宮記今字蹟隱隱獨存應是

聖歷二年或作元年者非渭陽縣志

唐口口寺造雙像記口口口口口口口口口口口口

石高四尺六寸五分廣三尺三寸六分三十一行行四十字正書

口口口口口口千綴口口口口口口口口口口口口

登仕郎宮若驚書口口口口口口口口口口口口

口口口口口口口口口口口口口口口口沙不知而解徧知功超口

氣上浮皮有詞談之契加以厘萊舊壤堂構故基仰荷
孫謀之澤恭申昏省之志高祖諱龍成整屋縣尉通

洛縣丞隨崇政縣令仙鳧入駕敷至德於一同祥雀出
馴播仁風於百里牛刀屢動不覺宰之已衰魚鼎頻移
不知老之將至開皇□□□□謝榮時屬堅帝出遊屈
龍駕於亭館備供頓斫垂鴻恩於睿旨遂封亭前水曰
龍□□□□□□□□□□莫不顯忠良□□□□飛命
譽於古今曾祖諱昌仁周三嶠鎮將祖諱則□□□
□□□□□□□□□□峻島聳清□□□□心千夫之
長振□□□□五校泊乎仁壽之歲豪傑齊於□□□□

乘時臨宸極而膺□□無爲而朝萬□□無事而靜入
荒換姚②以□□補媧而而永固上奉□得一下及七
世父母法界衆□□□□雙□□□獨心於獨園
之內卅二之□相宛若猴池八十種之異儀儼同鹿野
庶使功疑厚壘□□□□高而放慈雲於寶
系□其寺也疏基臨水構宇乘巖晚霞落而堯鳳紅晨
曦伍而棟□□□□於塵厓瓊岫福巒舉
殃氛於霧際都師貞素等五淨疑心□□濂想挺仁山
於忍草□□□□□□□□之生知學無談奧徒
事掄揚之意終乖要妙之詞高而非□□所□大道豈

小口能議輒申狂簡敬□□□雖桑野時遷蓬溟或變
流一名於三寶與壑久而而長其詞□□□□□□

釋宗既作法教爰崇周○夜殞□□□□□□道敬

想尊容或鑄琬璽或□金□其明明尊偽巖巖寶閣俯

帶長流仰連峻粵夕露成珠朝□□□□□飛雕甍

魚躍_二其粵若先祖且文且武一世英雄_二朝弼輔播美

縑緗揚名金古存忠懇於情□□□□□字_三其運逢

屯否時遇糾紛而南壑北鳥散荆分神器改易蘭返丘

墳瞻雙桐而識井望五柳□□□□_四其□□□悲恭申仰

報翠石旁采良工側召雙鶴異儀丹青殊妙導愛水之

睿宗子新唐書三宗諸子列傳惠莊太子摛本名

成義垂拱三年始王恒與衛趙二王同封俄改王

衡陽又武后紀長壽二年臘月丁卯降封皇孫成

器為壽春郡王恒王成義衡陽郡王下叙高祖諱

龍成會祖諱昌仁俱仕周隋祖諱則父諱缺泐母

大南陽韓氏伯兄萬基俱不知其姓無從考矣下有

式建豐碑天冊金輪聖神皇帝陛下云云末行大

周聖歷下缺朔三日戊辰建則碑立于聖歷某年矣

聖歷建號只二年第三年五月改元久視据下文

三日戊辰則朔是丙寅考通鑑目錄惟萬歲通天

二年丁酉歲四月丙寅朔長安二年壬寅歲七月
丙寅朔聖歷紀元中無有丙寅朔者則碑立何年
不可定矣曾祖仕周爲三嶠鎮將唐書地理志河
南道其名山三嶠少室云云三嶠之名僅見於地
理志序志中陝州峽石縣註云本嶠縣義寧二年
省武德元年復置至貞觀十四年移治峽石塢因
更名有底柱山山有三門河所經而不載三嶠元
和郡縣志硤石縣底柱山俗名三門在縣東北五
十里黃河中禹貢導河積石至于龍門又東至于
底柱河水分流包山山見水中若柱然也又以禹

理洪水山陵當水者破之以通河三穿旣決河出
其間有似門故俗號三門趙一清水經注釋引全
祖望曰趙冬曦云砥柱山之六峯皆生河之中流
夏后所鑿其最北有兩柱相對距崖而立卽所謂
三門也都穆云砥柱在陝州東五十里黃河中循
河至三門中曰神門南曰鬼門北曰人門水行其
間聲激如雷而鬼門尤爲險惡身筏一入鮮有得
脫三門之廣約二十丈其東百五十步卽砥柱崇
約三丈周數丈以三門爲砥柱者誤也以諸說證
之底柱之三門似卽峽石之三嶠胡渭禹貢錐指

水經注河之右則殺水注之水出河南盤殺山東
北流與石殺水合石殺水出石殺山山有二陵南
陵夏侯臯之墓也北陵文王所避風雨矣殺水又
北注于河又東千嶠之水注焉水南導于千嶠之
山北流注于河河水翼岸夾山巍峯岐舉重嶺千
霄涓按嶠在今河南府永寧縣北六十里元和志
云自東嶠至西嶠長三十五里在秦瀾之東漢關
之西嶠與殺同又據河南通志殺山在陝州城東
三十里一名嶽釜山春秋時晉敗秦師于殺卽此
東殺至西殺相去三十里路極險又似三殺卽此

山然殺只分東西不應云三嶠矣太平寰宇記稱
碭石縣本漢陝縣地後魏太和十一年分陝縣東
界於冶壚置嶠縣取嶠山爲名隋初改爲碭石縣
大業二年廢入陝縣唐義寧元年再置嶠縣理碭
石塢二年省武德元年再立三年移理鴨橋故鎮
按此所謂鴨橋故鎮疑卽碑所稱三嶠鎮將之治
所餘俱無考

于大猷碑

碑高九尺三寸廣四尺四寸三十分行行
六十三字正書在三原縣北三家店

唐明堂令于大猷碑

粵以天子制□□□□□□畿五十里之國者□□□
□字□□□□□□□□有一蓋所以設方伯置令長疆
□□□□□□□□故□□國之心腹河東郡之股
肱非賢勿居惟材是寄大則曳青縞而紆銀印小則縮
墨綬而佩銅章是以□宰□□□後則以□□御史俾
□□邑□□則以東宮□□故能齊其政而不失其宜
修其教而不易其俗者其惟明堂縣命東海子公平公
諱大猷字徽本東海鄭人□□□□□□□□□□□□
□□□□□□□□之命□開□侯伯之保姓受氏祚□
則周公之鸞邗韓則武王之穆金章建國里中大丞相

之門玉帳□家□□列將軍之□曾祖宣道隨內史□
人左衛率□安縣開國子 皇朝贈使持節都督

涼肅甘瓜沙五州諸軍事涼州刺史謚曰獻徐選以東
州儒素劉超則西省人倫□□□警形闡執□符而
飛□□□德降衷□之則優□□告第之儀祖志寧禮
部尚書侍中尚書左僕射太子太傅太師上柱國燕國
公贈使持節都督幽易媯檀□□六州諸軍事幽州刺
史謚曰定皂褫瓊□北汴喉舌之司絳服金蟬西掖股
肱之寄劔履上殿方崇重傅之恩羽葆蓋車式備尊師
之禮鳳辰推其□□龍□□□□父立政尚書吏部

郎中國子司業太子率更令渠豨二州刺史太僕少卿
上護軍仙臺侍女禮閣郎官攝齋槐肆之前曳組桂山
之口郗超以恭伯之望揜口口口防口以口公之材榮
叅象海公口山口下口溟鯤化明珠則徑寸爲寶白璧
則盈尺稱瓊小年識五方之書大成通九經之義嬉戲
則以詩書禮樂造次則以口口口口口口三年解褐左
千牛備口材推令德士選良家

青瑣晨嚴

亦墀近侍緣坐左遷梓州叅軍事譴卽謫居各非投俾
郗嘉賓之卓犖高行見口公口口口口之倣儻不口言
歸口府轉桂州都督府功曹叅軍境接鳶溪載洽昇龍

之譽地隣鯨海幾淪棲鳳之材文明元年選授蘇州
兵參軍東里□□□□州□□□□謂屈蠻府
參軍□□□□劔過□金石錫印章而錄舊膺璽誥而
念勞垂拱三年

勅除并州大都督府士曹參軍
唐叔翦桐之境□爾□□□分竹之郊光我藩翰枌
榆之□□爲沮洳之州豐沛之郊何必芒碭之澤帝鄉
推其善價公府義其良圖惡少遷佩犢之風流俗漸驅
鷄之化永昌元年授洛州□參軍□□佐鎮西之府□

□處平南之軍太守范滂主諾之聲猷自遠功曹□暉
坐嘯之風裁獨高
制授朝散大夫餘如故尋加

朝請大夫□□□□□□榮曜朱紱材光紫誥蔣公
嚮豈千石之器而委割鷄龐士元非百里之材方思展
驥下制除德州司馬又遷汾州長史一冠介憤二
軼形矜歷□事之□居□□□□形色安于席地神意
□乎□□不撓於危無負於物聖龔元年除使持節隨
州諸軍事隨州刺史田叔以壯勇而刺三河王尊以忠
貞而驅九折分行□□□□以□彊宗獨坐州鎮龔□
而□□揆聖龔二年□□□□制除□州明堂縣令黃圖
帝國黑水神皋地卽京都人多傑暴信陽侯之門客尚
在必誅寧平□之家備□□□□威信表西門之化惠

去而無愠一日千里四代五公忠孝足以光時能賢足
以軌物夫人滎陽口氏父口矩雍州富平縣令魏趙郡
李氏外口口都公口口公口口尚書口衣口門都口蘭
儀婉淑女訓芬乎奉葦母師光乎主饋卽以其年歲次
庚子十一月乙亥朔十二日口戌合葬於雍州三原縣
萬壽鄉口坳口先塋禮也兄銀青光祿大夫行太子左
庶子使持節都督兗州諸軍事兗州刺史辯機鯉庭禮
樂口口口口山入口口口正人外臺口口慰茲羣庶
鵲鷓口口口摧金玉之心鴻鷹悲鳴若灑瓊瓌之口嗟
乎八龍長逝三虜永懷庶振家聲思光祖德南陽陌上

爰標仕石之墳□□□□□□生金之□其□曰

浩浩洪源□□□代□□□□□□益錫爵分茅□

官食木邦韓之穆里閭其大其傳相繼業公侯踵武氣

雄家邦榮□區宇人之領袖物之規箴□□□□□□

公輔其口俊德丕承寵光風儀磻落天骨昂藏家口

之盛門戶之綱襲茲珪組侍彼巖廊其銅陵之東珠崖

之北如蘇臺下晏溫鼎側蹶然令望偉哉□□□□□□

口刑十□□□其口口師口賢哉主吏聯翩化鶴徘徊口

驥球琳之寶珊瑚璉之器白日旣披青雲自致其漢東舊

國隨有大名□西列郡秦稱上□□□□□□□□□□

□□□□□加□城其秩秩德音凜凜風格山靈固□

河神是迫手荅牋書心明糺擿虫螟感化犬牙移陌其

僉言惠愛帝曰允諧劇□行□繁俗□□□鸞□□□

□□□□□□□□□□□其衣冠遠謝袞職誰補□

颯風悲蒼茫霧苦寂寂子荒隧幽幽子后土石槨

掩子千年金□□子萬古其

此碑僅存強半書者名氏遂不可求按大猷志寧之

孫立政之子志寧之元孫休烈顯于肅代朝傳云休

烈父默成浦縣令早卒合之正爲四世但不知默成

者是大猷子否趙明誠有默成碑今不可得見矣石

華

碑云聖歷三年歲次庚子十一月十二日合葬於雍州三原縣萬壽鄉之先塋而碑非此時立也蓋後續爲之故其書竝不用武后所製字

金石文
字記

按大猷無子其兄兗州刺史辯機葬之故有鵲鷄懷斷鴻雁悲鳴之語細閱官階無所謂明堂令者而趙氏目則云明堂令于大猷碑豈以其序首之文錄之或當時碑未殘闕其額與題尚有据耶按志寧傳舊書子立政元孫敖休烈休烈子益新書休烈敖益肅球珪瓌琮如大猷父子兄弟皆不載可以補于氏之

鞅也。正書酷似褚登善于聖歷中不用武后所置諸

字尤爲僅見云。

金石後錄

今在三原縣北五十里三家店碑首已失存千二百字。按新唐書于志寧傳父宣道隨內史舍人餘官爵及謚均未載。志寧贈幽州都督。今碑稱幽州刺史。是

史誤也。宜從碑。

雍州金石記

唐書于志寧傳載志寧官爵頗詳。于封燕國公。後尚書右僕射。同中書門下三品兼太子少師。顯慶四年解僕射拜太子太師。出爲榮州刺史。改華州。卒贈

幽州都督。與碑不甚相合。

關中金石記

右明堂令于大猷碑世京縣令正五品上輦轂之
地職務要劇大猷雖歷任德州司馬汾州長史隨州
刺史而改任京縣當時不以爲左降也唐書于志寧
傳云京兆高陵人碑云東海鄒人者蓋舉其族望此
碑乃大猷之兄兗州刺史辯機所立攷世系表本名
知微字辯機碑于祖父皆稱名不應獨書兄字竊意
辯機本知微之名明皇之世避嫌名改以字行如劉
知幾之改爲子元耳碑云風儀礪落天骨昂藏礪卽
磊字昂卽昂字唐人謹于家諱此爲大猷立碑乃不

避猷字

潛研堂金
石文跋尾

按碑題云明堂令于大猷碑文前云其惟明堂縣
令東海于公平後云聖歷二年制除口州明堂縣
令州名泐一字乃雍字也元和郡縣志舊唐書地
理志皆云萬年縣乾封元年分置明堂理永樂坊
長安三年廢復併萬年新書地理志總章元年析
置明堂縣長安二年省

太平寰宇記
卷一百一十六
唐紀六

六月舊書高宗紀

總章元年二月己卯分長安萬年置乾封明堂

縣治理于京城之中則明堂縣之置于總章元年

爲有據也碑文明言制除雍州明堂縣令而金石
後錄以爲細閱官階無所謂明堂令者何耶碑叙

其先世曰曾祖宣道祖志寧父立政爾唐書不爲
大猷立傳而于其祖志寧傳皆云京兆長安人此
碑俾東海鄉人者從舊貫也說已詳志寧碑跋新
唐書宰相世系表于謹仕後周太師燕文公生
子曰實翼義智紹弼簡禮廣義二子曰宣道宣敏
宣敏無子以宣道子志寧繼志寧生二子曰立政
慎言立政生四子曰遊藝知微光遠大猷大猷無
子其卒也宜乎兄知微爲之立碑然碑云春秋五
十七金石後錄乃謂其妖則又非矣又据宰相世

系表志寧次子慎言生安貞安貞二子仙鼎默成

默成三子嘉祥休徵休烈是休烈爲慎言之曾孫
默成爲從弟安貞之子石墨鐫華殆亦未檢唐表
也大猷以聖歷三年七月十日卒是歲五月已改
元久視不知碑何以尙作聖歷則不能明矣夫人
爲滎陽望泐其姓當是鄭氏也合葬雍州三原縣
萬壽鄉口坳口先塋据志寧碑云葬于萬壽鄉清
池里則此或仍是清池里也唐書無辯機傳而表
則云兗州刺史東海郡公碑不書爵者想立碑之
年猶未加也辯機是字其名知微而碑直自署曰
辯機想兄擬其弟碑可自稱字耶



